



天下名家詩觀選目

卷之六

曹申吉 山東

周茂源 江南

黃永 江南

史樹駿 江南

毛重倬 江南

龔百藥 江南

陳玉璣 江南

張纘孫 浙江

龔雲從 江南

周綸 江南

錢朝鼎 江南

董黃 江南

許旭 江南

錢閔瑞 江南

王昊 江南

毛姓 浙江

張堦 浙江

陸埜 浙江

蔣玉章 浙江

魏允枏 浙江

陳大成 江南

葉舒崇 江南

顧震省 江南

顧有孝 江南

徐乾學 江南

韓裴 浙江

彭孫通 浙江



倪粲

浙江

蔣玉立

浙江

顧宸

江南

項景襄

浙江

蕭瑄

雲南

嚴正矩

湖廣

米漢雯

直隸

白夢鼎

江南

戴王綸

直隸

戴王縉

直隸

張謙

陝西

查繼佐

浙江

卓天寅

浙江

卓胤域

浙江

吳鏘

江南

閔麟嗣

江南

王又旦

陝西

嵇宗孟

江南

吳雯清

浙江

吳山濤

浙江

孫蕙

山東

李澄

江南

呂祚德

江南

姚文熊

江南

陳豐陞

福建

宗觀

江南

張恂

陝西

張載緒

陝西

錢中諧

江南

熊僎

江西

吳崇先

江南

于澣

江南

史逸孫

江南

謝懋樹

江南

蔡爾趾

江南

呂振之

陝西

石璜

江南

汪文孫

浙江

陳寅

直隸

陳聯

直隸

陳誠

江南

其陸拾陸人總計詩

言觀初集

言觀初集

東吳鄧漢儀孝威評選
雒城仲之琮蒼壁重輯

曹申吉

滄餘山東安丘人
南行日記

遊君山作兼贈連從事李巴陵

楚鄉饒奇勝茲域信清曠岳陽五日泊山靈如我覲風遊欣

三妙探奇敦雅尚湖光千里昏浩然元氣壯天水相迴映雲

峯互混漾小艇類浮鷗了了辨青嶂獨秀豁中流屹立絕依

傍松竹森蒙翳石影驚濤盪佛閣舊崔嵬堯女墓相向荆岩

穿篠徑足眩勞一杖軒轅臺已荒柳毅井空悵風雨集崇巔

鴻濛騁遠望佳處領其要曲折遺想像夕鳥倦歸翼鳴磬晚

波上返棹浙微颺岸火明漁唱巴丘夜色蒼孤舟夢悄

少陵五古多自選體中來熟玩當知此詩雖屬唐調而氣韻逼真王謝共空遊風雨東來

湘行即事

水國夜偏寒江上行多霧我來名山側步步勞返顧九背還

九向曲曲湘流趣舟楫窮所歷塗泊無定處一氣逃昏且

天荒烟聚菴鬱天邊岫蒼茫若際樹鷄犬白雲深獵鳥青真

住孤帆已百折遠道更千慮灘子慎早發踟躇愁虎渡日色

蕩遙波呀啞凌虛去

赤壁歌

高高赤壁臨江埃一戰當年成鼎峙搶攘南北挺多才吳蜀

君臣魏父子阿瞞東下氣何雄鳴張虎踞笑江東荆州已降

昭烈走烏林蟻聚千艘幢橫梁還能賦明月投鞭擬欲乘長

風檝傳會獵虛聲動吳下翻多嘯嘯翁嘯嘯紛紛那足數國

士由來出儔侶公瑾醇醪美少年卧龍魚水真臣主片言契

合紫髯奮群賢勢足奪風雨一炬俄看漢祚分英雄割據終

黃土何事江濱尚有臺寒樵野釣日徘徊興衰轉轂同一瞬

長流滾滾無時迴壯畧能期千載後空留殘壘向人開高陵

深谷俱寂寞祇今憑弔傷奇才

確山道中

何意荒榛裏孤城背亂峯寒聲浮遠水夕景下高春樹老通

須穴雲深響鹿蹤祇愁明日路石徑曉霜濃

平靖關雨發

荒景逼出奇語

濛濛終夜雨。雲在半山中。宿處烟霞靜。行來竹石通。流懸千仞。碧樹老一巖。紅樵牧聲俱寂。應逢採藥翁。
○新刻
○真境
○字字真的
○落紙欲濕

舟宿金口驛

中流爭峽過。清絕楚南天。纜急知峯轉。帆低覺浪懸。亂習千尺岸。午爨一江烟。更問荒村宿。衡陽何處邊。

上陣早發

盤渦勞百丈。力共一灘爭。曲折唯看日。風波莫計程。漁習隨岸勢。石齒動江聲。枕上驚濤慣。鄉思夢後生。
○字字真的
○詞意生新
○五丁遜力

晚泊竹林灣風雨

風雨荒江大。浮踪入夜微。悔深勞內訟。險逼貴忘機。白浪危橋轉。青山遠夢歸。自憐寒漏永。空羨斷鴻飛。

波濤心屢折。繫纜大江濱。行止關鷗鳥。安危託榜人。亂山連夜雨。孤棹異鄉身。檢點浮生事。唯堪釣叟親。
○真極
○可謂深入淺出
○已臻神境

湘陰道中

只訝連峯走中涵。萬頃流精靈。湘鬼廟風雨。洞庭舟浪急。千帆白山遙。一點浮悠然。元氣合生事。等輕鷗。
○渾○淪○穿○鑿○皆○有○
○浩浩洪流
○在其五指

發湘潭晚泊

小艇波心黑。繁星共一灘。崖懸通篠徑。鐘細出雲端。虎跡荒江大。猿聲永夜寒。乘槎真萬里。斗北是長安。
○細密却又渾濁
○才請雙到

過三門灘

垂綆中流澁。何年斧鑿痕。雲帆驚百折。石齒盪三門。險過喧灘子。湍迴泣岸猿。羣山如揖客。依約領黃昏。
○精○絕
○字字
○整毅

潭州野泊

寒烟隨夕照孤棹去來輕波湧疑星動帆移覺樹行暮雲聯
岫紫野火入江明十月湘南盡非關戀濯纓用意甚巧以氣渾不覺

長沙阻風

風雨荒江路鳴橈去復迴奔濤連岸動野燒隔雲開鳥急寒
相向山空窈自哀客舟遙可妬片片挂帆來蕭涼在眼

曉發抵嘉魚縣

歸舟貪早發山水共蒼蒼野岸平分月漁簑飽受霜夜寒鷄
唱遠江靜櫓聲長入臘孤征客行唵類楚狂

舟涼兼漏永江上北風多燒急人防虎沙晴霧隱隱客心懸
日月波影動星河每怪危帆轉當如遠夢何深刻處絕似北地

潭州風雨

楚澤饒風雨荒洲二日留魚龍寒改窟鳥雀濕隨舟浪瀟灑
天影雲低動客愁計程憐遠道憑櫂羨輕鷗

武昌寒泊

隔岸晴川影帆檣觸浪奔禹功江漢大楚俗鬼神尊地濕陰
常盛天低日易昏荒洲猶寂寞詞賦舊銷魂警拔處非深心讀書人不

到能

晚抵采石磯

勝遊疲耳目晚泊罷登臨春入魚龍氣山通潮汐音蕭森孤
棹雨峭拔半江陰高咏留清響荒祠自古今

漢陽留別丘曙戒別駕

晴江極望遠波平夕照頻催鷓首輕雲際青山湘女廟天邊
黃鶴楚王城鴻聲暮入千峯碧漁火涼生一帶明欲問洞庭
水深淺何如十載故人情

夜宿白螺磯

棹入蒼冥一道開長流滾滾易興哀帆前忽擁千山雪耳畔
常驚六月雷絕壁下臨蛟蜃室狂瀾深賴鬼神才舟人笑語
渾閒事壯志乘風已作灰

盡日中流與浪爭危磯怒拍兩崖平一帆月黑天無際萬里
風搖地有聲烟裏偶浮孤磬動寒來翻入敝裘輕那堪更聽
蕭蕭雨此夕能催白髮生

風雨杳冥魚龍
出沒摠在毫端

長沙懷古

十月潭州天氣涼夜來獨臥一船霜山聯五嶺瀟湘合地界
三苗翼軫傍响嶼神功懸嶽麓飄蕭雁影隔衡陽千年買傳
才偏盛甲濕何緣滯楚鄉

莊雅如擲
地金石

秦淮雜詩

連檣自粵來經歲江干住估帆慎莫停軍符捉汝去
子夜新聲歇梨園法曲殘淒涼南北里遺恨小長干
王謝人空盡梁陳怨未消冶城橋畔柳無復最長條

晚泊池州江口

池陽山色晚冥冥九子峯高峙玉屏簫鼓遠來頻賽社一江
風定佛燈青

廣陵雨發

花朝寒雨廣陵城春水迎潮細細生多少冶游湖畔去橋邊

聞折柳條聲

搖漾
可人

周茂源 宿來釜山江南華亭人

樟樹鎮

捉船載兵過嶺來江干如沸如轟雷千里不見空牒子令我
筠州作客長徘徊過嶺還聞雷久戍將軍待命鬱孤臺我獨
筆力勁絕倉皇向東走村村閉門絕鷄狗經過藥市見人烟市上無魚
酤無酒天風颼颼當九秋北人思著貓貉裘無衣猶自可無
酒孰解憂君不見金黃亂後戰方息白骨橫野燐火密且莫
更有餘情行歌採橡栗夕陽下山虎欲出
字字實歷
言言悲痛

同諸子偶飲夏考功廢宅有感

有酒寧煩折簡召閒居詎顧尚書期下馬徑入高陽會岸幘
連傾金屈卮忽熱發歎一斗不醉盡一石仰視屋梁三嘆息此地今成
孫楚樓當年本是袁安宅主人疇昔此堂居窈窕深藏萬卷

書月旦清流推重望朱輪結駟日克閭末俗衣冠多不古鳳
臬殊種分門戶考功先生長食貧時人誤說城西府令子三

吳號聖童高才直與機雲同靈均自沉湘水曲義公復死平
陵東行過西州興慟哭山丘零落存華屋錄入官家甲第空

恍忽精靈致回祿飛薨畫棟悉飄零僅見侯芭問字亭地下
昆明灰有劫窗前書帶草猶青生死存亡真異代中郎虎賁

竟誰在北海尊疊客已孤東山綠竹人難再眼前數子氣嶙
峴忘老总憂作酒人無人不共公榮飲坐客偏于車胤親今

夕渾疑飲燕市狗屠擊筑悲風起拔劍歌呼奈若何考功父
○嗚○朝○子長已矣謝公不保五畝郭令僅有古槐已堪傷悼而况滄桑之餘讀釜山此篇使我竟日不樂

舟行偶感

山形嘗百變未覺畫圖窮獨鳥高雲外殘花積翠中灘來前
○妙○處○在○石○中○夜雨石阻半江風底事遐征急端居讓釣翁

黯淡灘

行處皆懸溜今尤歷險灘禹功曾不到天塹此同看海氣羣
○更○佳龍變江聲萬木寒春遊貪遠涉終覺濟川難

括州雜詩

十室稱巖邑浮雲自一鄉野田滋鼠蛤官舍牧牛羊采葛吟
○提○境○偏苦飛芻役未央行厨烟已斷惟噉禹餘糧

劍水流何駛喧虺似呂梁毒龍行雨暴妖蜃決波狂竹筏津
難濟沙田歲又荒手操催粟令遙望一沾裳
寫山川極其瑰麗

細林

古木蒼藤翳短垣仙翁丹井此尋源魚龍海底通泉脉雷雨
山頭破石根素縷汲來鍾乳滑冰壺盛處玉砂溫當年使節
在○胸○空來往藥鼎何曾授至尊
筆雄色艷結處尤佳

聽教坊人理舊曲

釵橫金鳳鬢堆鴉供奉西宮老歲華為問望陵何處所秋風
令人惘然惆悵六萌車

黃 永 雲孫江南太倉人

龍衣舟行

逢逢鼉鼓溪邊過。百尺樓船萬鈞柁。大字黃旗隔岸飛。錦衣
擗卒當窓坐。千人邪許向前行。赤棒前驅不計程。鳳簫龍管
穿雲去。錦纜牙樁映日明。牙樁錦纜過江來。霧縠雲紈幾日
開。誰頒將士克邊賞。誰賜宮娥稱體裁。聖明儉德恤民依。
曾勅東南罷錦機。皇躬但飾朝天服。貴嬪應無曳地衣。偏
此言裝搭之苦憎賈客紛紜集翠羽。明璫載絡繹爭居奇。貨附舟行敢假天
威。同辟易嗟峨大編入皇州。往來南北春復秋。關吏郊迎晨
負弩。郵亭續食夜傳饅。關津處處復留停。物價高低自品評。
官府學俸三倍利。輿僮盡飽五侯鯖。飛揚意氣真無敵。長楫
大槌縱橫列。畜怒偏工侮縣官。先聲况可凌漕卒。嗟予十載
走風塵。幾度扁舟避野津。聞道皇家親浣濯。民間仍苦虎

狼人。朝廷儉德自古未有奈何以尚衣之故
縱若輩之恣肆乎此詩真可入告矣

青兒絃索行 兒本邑先達楊公家姬
後為董子文友青衣婦

董郎邀醉重陽酒。蕭瑟空齊季心友。酒後驚聞天絃索。梧葉
西風動簾幕。初彈緩調已殢人。再彈歷亂疑有神。借問何人
彈此曲。半老青兒鬢邊綠。青兒得名三十年。楊家閨閣藏神
仙。日費黃金教歌舞。坐客歎惜騷人憐。宴眠遲起自言苦。主
人侍立看眉嫵。一時明鏡入朝霞。依稀洛浦珠同吐。誰知宋
禕成房老。金谷名園半枯草。舞裙歌扇疊空箱。重撥鴟絃增
懊惱。潯陽江上幾番秋。蘆白楓黃處處愁。紅葉多情何處去
無心銅瓦為誰留。青衫濕盡胭脂亂。變聲應作琵琶怨。董郎
默坐客不言。嘹唳征鴻過庭院。
何物青兒乃令一時名士
刻燭贈詩雖作房老厨娘

應可不一
嗟淪落

史樹駿 光庭庸菴江南武進人

夜飲聽孟三吳謳

君不聞城頭簾箴聲。征人夜半霜霑纓。又不聞月下篴篥引
彈之未覺淚交隕。宋女秦娥各有心。繁絃急管情何盡。座客
喧呼酒正酣。梅花昨夢發江南。誰歌舊曲令腸斷。昔有何戡
今孟三。
僕最惡擬初唐歌行者堆砌摹倣而無生氣庸菴短章矯厲正自絕人

河間秋興

丹雉嗟義枕。繡膝賢王臺。館到今稱詩。翻北海波濶。壯杯映
南皮。月露澄燕雀。啄餘千樹棗。蛟龍吟斷九河水。獨憐踪跡
長潦倒。風雨年年感茂陵。

龍旂高出士衙威。鐵馬戈船大合圍。轉餉十年驚赤子。提書

六月報彤闈。將軍發劍秋雲靜。叅佐登樓白雪飛。投筆自憐

非燕領坐聞鄰女搗寒衣。
極似高李趙。氣象雄整。清思自出。

毛重倬 卓人江南武進人

吳江聞笛

江界分吳會。空烟接遠津。亂帆喧夜市。孤笛對離人。微月窺
寒夢。穠花動晚春。南征有舊曲。寫入棹歌聲。

舟次清江浦泊天妃廟前

月殿浮銀漢。烟空集畫橈。晴看風雨至。夜聽鬼神朝。色界流
寒碧波。瀾動遠霄隔。船歌舞罷秋影倍。蕭條。
筆力深透

龔百藥 介眉瑯琊江南武進人

春暮湖濱遣興

上巳清明一倍遊城南桃李最銷憂玉釵座滿隨花舞金犢
車輕似水流碧草何知前浦別丹霞遙向故山浮嫫姚昨夜
軍書到愁殺春風十二樓 一結全 詩俱振

陳玉璣 廣明椒峯江南武進人

登北固山樓

匹馬憑孤嶂危城控上游魚龍一夜靜吳楚萬家浮獨客來
江閣層雲結海樓茫茫沙島外千里暮烟愁 題面字 字照管

月夜同友登玉山

携友玉山上長干思不窮赤欄隨岸圻碧浪入杯空沙草沈
殘鏃秋原動角弓老僧論往事月上海門東 全首妥潤 結更悠然

阻風燕子磯

十載荒洲上寒風阻客程欲歸憐計拙遭亂驗身輕烽急秋
增戍沙清雁報更百年渾醉眼不盡大江橫 老健

黃河

不識黃河水今看九派渾大星垂谷口斜日蕩天門風靜波
仍壯帆欹沙欲吞乘槎多少客何處問崑崙 雄警不 類吳音

沛縣道中

偏陽千古一追攀霽色晴霞抱漢關仗碣功高飛將健大風
歌起戰場聞天橫泗水猶孤樹馬渡黃河盡遠山自是六龍
雷王氣至今猶見五雲還 椒峯詩清勁老靠獨 立時靡中僕所深折

張纘孫 宗緒浙江錢塘人 粵游草

上十八灘

西江江欲盡灘勢迴紆迴急浪天邊下孤帆石罅開山深埋
虎豹樹老宿風雷自歎常飄泊蕭蕭白髮催
巉巖潭底路何必數蠶叢地扼雙江合天開百粵雄榜人逃
白晝詞客畏長風不歷山川險誰知造化功
龔雲從仲震江南武進人予昔游此故知二詩之妙

送蔣三舅氏遊閩

千山行盡萬山高惡瀨危湍聽短篙客子徬徨窺鳥雀長年
歌嘯狎波濤兵連疲吏誅求急役急儒生負擔勞君到不須
紛涕淚鄉關比戶滿弓刀落句結出正
周綸鷹垂江南華亭人石樓刪稿面更有關係

由馮公嶺抵括蒼作

雲氣晝冥冥山深虎豹扃嵐光疑曉霧獵火亂寒星地自飛
泉口天由密樹青窮荒開郡國次第入郊坰深厚不作膚語
郊城

春秋郊子國瓦礫尚孤城吏事昏鴉集人烟返照橫亂流
地脉遺戍護農耕袞袞看前席憑誰一寄聲經過一地必寫其山川風俗用備輶軒之採此為深心當世人

小集贈女郎鶯初

狂來只合醉鄉遊贏得新粧似莫愁假意向人伴不語回頭
爭看眼波秋
少小鶯花老未知燒殘絳蠟更題詩柳腰一捻纔盈把記取

東風莫浪吹

柔情
婀娜

閒情

經年消息望中賒。誰道郎行不憶家。獨坐深閨門晝掩。却臨青鏡細簪花。

幽
娟

西湖

蕭蕭短褐逐征塵。此日重來愁水濱。不見長堤衰柳色。那知猶有舊時人。

煞是
關情

錢朝鼎

禹九黍谷江南常熟人

南還漫興

五子孤城雁影邊。黃河東去水連天。洪濤抱轉中原日。濁浪橫飛宰堵烟。廢壘秋風銷白骨。荒郊夜雨泣饑涎。江流正穩

將歸客腸斷。符堅百萬鞭。

雄而厚是其
學詣過人

飲五層樓有感

直上層樓瞰十洲。玉壺銀管一時秋。丹鉛送日人將老。博塞分曹飲未休。鰲海烽烟繞日月。羊城歌舞冷兜鍪。青樽且酌

吳宮塚斷碣蒼苔起暮愁。

確切之甚却
字字有光

董黃

得仲律始江南華亭人
高詠樓稿

江總宅

青溪橋下水盈盈。江令樓臺倚鳳城。花落後庭歌玉樹。風吹別院動銀箏。黑頭漫曳尚書履。紫禁爭傳狎客名。一自景陽鐘寂寞。金鋪翠閣綠蕪平。

不置褒貶是詩
人忠厚之遺

西陵雜感

言韻不集 卷之六 中藏稿
武林原是宋長安宮闕飄零故蹟殘芳草不知香輦路鳳凰
猶在五雲端青山下見樓臺盡湖水高憑睥睨寒獨有飛泉
依舊在千峯夜落未曾乾

宋主當年能好武六宮粉黛盡從戎射聲較尉紅顏裏細柳
將軍紫袖中長信故姬爭射虎昭陽新寵自當熊可憐不渡
黃河水惟有旌旗滄海東地有宋高宗官人演武場此論從來未發
不僅才調之高

吳閩迎春曲

館娃宮裏楚雲浮一色羅裙艷石榴綵勝新裁別有樣剪刀
不斷小姑愁

許旭九月江南太倉人秋水集

穿山

烈然孤燈沒蒼苔誰把仙扁頓鑿開石骨有明前花去山花
無子鳥銜來流雲勢欲穿崖過到海根疑縮地迴百載風流
今寂寞猶餘文采照荒臺地即柔民釋讀書處

由天平范園至華山夜宿聽雨

異代喬松看不見名園金谷廢何年啼鵲猶傍朱欄曲化鶴
難逢古澗邊山徑暝烟畱客住經廊微火寄僧眠蓮華峯上
初聽雨明日應飛百道泉地有喬松二株是晉時物居人將以克夔趙凡夫出數金與之
得免今不二十年凡夫亡松亦不知何處矣只此一事想見前輩風流

游天界寺

法宇巍峩聳碧躔珠宮寶刹故依然平分白下山川勝暗憶
金陵初建年名德到今傳幾輩藏經猶自護諸天江山尺寸

言舊初集 卷之六
歸新主尚有穹碑記賜田

如此奇慨
可謂溫厚

桃葉渡

幾年桃葉不聞歌。淮水無情依舊多。十丈新桁橫接岸。渡頭何用畏風波。

今改作長橋。失却渡字。意矣。專有便而非古制者。此類是也。

宮詞

窄袖盤龍小戰袍。殿前親演內家操。一時牌子先承旨。御輦前頭盡帶刀。

賊破潼關勢震驚。九門齊擺羽林兵。六宮盡道江南好。無那

君王不肯行。

二首紀前朝舊事也。錄之以備詩史。

錢鼎瑞

寶汾江南華亭人東溟集

飲恒素堂贈胡其章先生

婁東諫議絕代無。英姿落落虬龍須。大叫雷賓勸賓飲。紅梁美酒盈玉壺。此時正值三伏時。華堂豁達生涼颺。科頭赤脚搖大扇。一飲一石安足辭。吾聞昔壺公懸壺汝南肆。又聞韓

伯休婦女知姓字。君也高義真似之。不然何爲思遠志。採藥

已逐荆蠻人。停杯偶說前朝事。憶得前朝苦征戰。烽火頻年

逼畿甸。同時通籍十六人。承恩入對文華殿。殿頭痛哭議南

遷。左右群驚至尊盼。繞朝之謀雖不成。仰視中天白虹變。須

臾有詔擢黃門。意氣雲霄誰不羨。那知荆棘蔽銅駝。不惜餘

生隱薜蘿。白髮傷心成異代。青山回首一悲歌。陶潛栗里田

園在庾信江南感慨多。感慨歛歛復何益。種瓜且向長安陌。

有時或與高陽侶。縱博當筵呼五白。劍氣宵浮牛斗寒。釣竿

日對滄江碧愧我樓遲賦子虛不逢狗監意何如五月猶然
被短褐十年羞復曳長裾相看不盡飛揚意願傍浮丘讀異
書

中間說召對一段可補
國史詩亦淋漓盡致

王 吳

維夏江南太倉人
碩園集

雜感

越嶺行過別有山漢家遺燼在兵間五峯草木江城戍七道
帆檣海舶蠻久說羽書通荔浦近聞鉦鼓出梨關錢塘亦有
南征將下瀨樓船何日還

直北長河日夜流宣房遺蹟摠堪愁黃旗萬舸喧淮口白馬
千家哭汴州築岸已遷都水使轉籌誰拜富民侯可憐壁馬
虛沈處不救南方赤地憂

今歸仁堤不築淮揚將
有魚龍之憂為之奈何

樓船橫海舊登壇金甲雲旗繞暮灘王濬舉帆風正急孫恩
歸鳥水猶寒由來北府屯原重自古長江守獨難浮玉山頭
兵十萬帳中好把陣圖看

殷然事後之防司
關者何可不知

朔方八月草班班沙白榆黃接漢關馬上臙脂歌出塞笛中
楊柳奏平蠻早朝貂錦花邊出夜獵駝羊雪下還文學使車
重到處長安直北望天山

足當一
則邊議

竹枝詞

青油畫舫木蘭橈猶起吳王送女潮郎心未識分離苦容易
行過寶帶橋

小院疎窓颺茗烟葛衫無暑撥三絃闌門夾岸香無限五月
初開茉莉船

是金昌
亭下語

毛 姓 大可湘江蕭山人

寄答施尚白

桃花潭空夜乘鯉曉破滄浪渡烟水東尋蓬萊駐海門為看
飛花鏡湖汜臨流晞髮枕窮石前望雞山解為客乘風李白
浩欲行杜老依然寄人食茫茫高嶠吾所思風前再讀涇川
辭越人擁楫久蒙好慷慨悅君知不知新潮初生舊潮去汗
漫將歸采菱渡蒙君許我舉桂枝望斷淮南最深處

語鮮氣妙

騷賦之遺

中秋前一日集曲江樓分韻

高會羣登江上樓魚龍百戲繞三洲歌鐘響徹天垂幕火樹
烟生月滿舟賦就明河堪永夕人傳來日是中秋滿門車騎

傾吳楚無奈燈前送莫愁

狂奴故態

張 竣 效青浙江錢塘人

同陸麗京諸子集雲居山樓

高齋落葉幾經秋散髮閒吟次第遊草樹常依寒雨徑江濤
偏撼夕陽樓青尊晚動幽人興白雪群推大雅流遙憶交通
還有賦平原一望使人愁

雖是七子聲調而氣韻偏雅

陸 埜 左城浙江錢塘人

寄懷朱人遠

相思隔歲暮雲愁况是蕭蕭宋玉秋詞客有情應慷慨故人
何事久淹留一天星斗湖中出七夕蛟龍海上浮最是傷心
明月裏空疑顏色炤孤舟

清矯獨出是左城別調

蔣玉章 篆鴻浙江嘉善人

送魏交讓之暨陽

憶別春深楊柳垂送君此去更堪悲雲橫申浦揚帆遠雨過
帆山立馬遲吳楚舊封通北固江湖遙帶控南陲到來還醉
蘭陵酒拂劍重看季子碑

勺秀是詩
家正派

鹿城道中懷歸玄恭葉媚初

西鹿城邊傷客心新洋江畔搗衣砧陸機漫擬吳趨曲莊鳥
仍為越下唸烟入戍樓啣暮色雲生驛樹結秋陰懷人此際
堪乘興不得追遊到竹林

篆鴻賦才卓犖故其
為詩正覺新秀絕倫

魏允枏 交讓浙江嘉善人

暨陽

烽燧遙天接大荒高城憑眺曉蒼蒼薜蘿乍長新官舍燐火
宵明古戰場秋雨遠來江氣今夕陽斜墮解雲黃三吳事業
殘碑在矯首雲臺思渺茫

暨陽為江左門戶一吳之
所守也詩特壯健而有識

陳大成 集生江南無錫人

孟夏王西樵招集湖舫汎月

微雲涼吹晚那惜酒如澗樹色收殘雨人家共遠燈綺筵杯
再把水檻夜還凭更理尋山屐攀躋似不勝

明秀如山
來鏡裏

葉舒崇 元禮江南吳江人

冬日宋荔裳先生招遊道場山分賦

殘雪耀層岡微颺蕩林木沍寒天氣佳逍遙命輕舳光景豁
人心極望彌清淑湖光澹不流峯髻青如沐杖策擬登山入

耳鳴飛瀑古塔聳寒雲仰視亦何蟲攀躋未及半斜暉下山
麓安得魯陽戈暫使曦輪復旁顧山人墳清風渺難續長嘯
意悠然月散澄湖曲
○適○然○無○盡○
層次入秀
喜無繁響

夏夜同鐵崖荔裳西樵諸公湖泛

高會宜良夜中流蕩畫橈片雲來楚岫明月滿秦簫絲竹鄉

心隔山川客夢遙憑臨無限意愁聽浙江潮
○佳○絕○
娟娟楚楚宜
以斑管書之

顧震省 明曾江南崑山人

無題東王司勳

座有盧家女浮居石鏡山傾城推獨立絕世是雙鬟白露人
○妙○會○

俱遠清樽夜共閒不逢王內史那得此追攀
氣體
佳勝

顧有孝 茂倫江南吳江人

酬王西樵員外

懶向江頭更挂篷舊游歷歷在江東傷心忍聽山陽笛淚眼

相看暮雨中
似有
所指

柳烟花霧晚春天同上朱樓看月圓無限六朝佳麗地動人

詩思泥人憐
使人情動
是其筆妙

徐乾學 原一江南崑山人

茗上喜晤越辰六

之子東南秀才名動碧雞千秋存綵筆萬里到丹梯
飲窪

樽石春遊罨畫溪風流稱洗馬樂廣譽真齊
太守吳園
次婿也

送宗鶴問之吳興

十年詞賦重三都託典烟霞五嶽圖曾共張華遊上洛還因

柳暉過西吳同心幸結江皋佩好句頻探象罔珠况有湖山
看不厭烏程日問酒家墟秀美韶逸自是金華殿中人

韓裴晉度浙江歸安人

送宗鶴問返廣陵

離筵帆影亂橫塘無數鳴蟬叫夕陽看遍好山歸短棹行隨
明月載空囊蘋洲風送秋雲疾瓜步潮生晚渡涼二十四橋
烟樹外他鄉兄弟夢魂長步伍秩然

彭孫通

駿孫美門浙江海鹽人相悅堂集

秦箏歌送顧翊南之鄜州

君不聞秦箏聲最苦孤雁流哀生極浦擘絃促柱一再彈隴
首征夫淚如雨關河迢遞三川道古峙蒼茫秦樹老萬里行

人聽暮笳五原賓從空秋草故人擁傳向秦城杜甫山堂月
正明曉參漸落箏聲歇不見秦城見明月壯涼最近秦聲結更碧天無際

過邵伯湖

斜暉低驛路馬首悵何依晚渡潮爭上寒塘人獨歸溪魚時
自擲水鳥慣卑飛願逐垂綸者長歌入釣磯絕不着力而情景具備

無題和阮亭

玉壺滴罷夜眠遲華簟初冰擁被時霜色漸侵金鑿落月陰
乍轉碧杳思重簾不啓鈞雙約小篆將殘幔四垂何事秋來
長作客紅蘭白露滅芳蕤

西風雙槩帝城遊憔悴若華杜若洲幽夢細尋行雨路新眉
長結晚山愁珠娘寂寞鮫人淚簫史淒涼鳳女樓有弱不

○勝○衣○之○態○
深院裏。懊儂情。思是三秋。
美門驚才絕艷。所為香奩諸什。凌轢温韋。固當今騷賦之宗。

倪 粲 聞公浙江錢塘人

送喬文衣之劍州

○起○楚○陵○峭○嶂○
渝峽遠。通涪萬。水嘉陵。險接閩。中山分符刺。史初行。部舊語。
參軍正解蠻。撞布芋田徵稅薄。青松白鶴訟庭間。他年更奏
殊方績。應在文翁伯仲間。
峯巒突起全 詩遂臻奇勝

蔣玉立 亭彦浙江嘉興人

題中州陳簡菴谿南草堂

辟疆舊墅水潺潺。卜築谿南晝掩關。授簡相如梁苑日。紀年
元亮義熙間。春郊月上提壺出。曲徑花飛策蹇還。碧樹紅泉
行處見。拂衣何處不東山。
春容 大雅

顧 宸 修遠江南無錫人

過揚椒山墓

遙瞻公墓急停車。碣石高蹲亂遠沙。千古文章留諫草。一生
膽氣却蚺蛇。誅奸豈願同稱義。許國從來不有家。何處東樓
○思○魂○
灰既燼。香風陣陣白楊花。
正大 可傳

項景襄 眉山浙江錢塘人

南屏攬勝

蕩艇入南山。晴湖淨如拭。繫纜枯樹根。寒烟坐微白。偃臥周
阿下。聊步層巖隙。方丈出松巔。亭亭高百尺。入門逢老僧。塵
纓頓若失。說法水月心。妙香浮廣澤。落花滿空林。披雲坐磻
石。置身在霄漢。庶以慰營魄。安得常如此。玄言共朝夕。月起

竟忘歸零露沾衣濕

宇字高老
一洗時氣

窳庵泉石

荒榛迷古術仗策尋新蹊
轉知谷邃林深見山樓倒樹爲
之架。空水絕塵埃。俯玩池中芷。仰觀浮雲飛。追尋朝市遊。賞
心誰與披。長此世外客。開樽惟恐遲。典酣發長嘯。高歌樂皇

義

簡而
盡

蕭瑄

五雲雲南建水人
遯菴集

登岳陽樓

積雨兼昏曉。我來弔汨羅。深烟迷宿鷺。澹月舞靈鼉。岸濶疑
無水。雲飛盡作波。維舟時一眺。縹緲欲如何。
嚴正矩 方公絮菴湖廣孝感人

登首陽山

悠悠孤竹子萬古兩賢人。臥枕西山石。行歌野草春。姬圖歸
曆數商代識。君臣間笑垂竿叟。能辭渭水濱。

西征

自憐生事拙。策蹇向天隅。世路方荆棘。艱辛獨老儒。漢庭傳
使節。驛路擁兵符。戎馬喧闐內。凄然憶五湖。
蒼樸得
杜氣

米漢雯

紫來直隸宛平人

冒雨至豐臺看芍藥因過望仙樓小集

荒村雨氣晝蕭森。乘興衝泥到處尋。十里花光連地濶。萬行
山色接天陰。因尋梵語來孤寺。暗識鷄聲過遠林。回首樓頭
朋好在。大河堤上騎駸駸。
寫景勻細
筆帶烟霞

白夢鼎 孟新江南江寧人

憶昔行贈程穆倩

憶昔清漳壬午過石城與君座上定交傾生平時惟西江楊
伯子機部八閩慷慨屠生德公與劉生漁仲余時兄弟年最少激揚
風義稱同好程子穆倩長倍予玉質金心古銅照甲乙之間
黨禍興交游散盡誰為朋惟楚麻城惠連有梅子分財解難
棄官遠去常為僧程子時從清漳謁帝里手做孝經垂十指
清漳祭海君遠遊不忍坐見黨人死於時程子來顧予謂予
清漳去國三上書解公若來秉國法此事廢不終狂且吁嗟
誰知忽忽成往事與君論交真隔世海枯石爛亦須臾今古
千春有朋契聞君客歲廣陵過六旬余亦二毛躑躅趁風塵

君比蟲魚笑自壽舉目誰為鳳與麟此○段○淋○滴○懷○慨○令○人○
尚遇桃花雪携手與君河上行楊柳青青照白髮回首清漳
座上雄辨時與君白首稱相知當時諸子烈烈化松石惟我
與君著書飲酒言心期道○極老大乾坤一酒卮回○首○往○事○言○之
一詩以見前朝 戴王綸 經碧衫極直隸滄州人

戴王綸 經碧衫極直隸滄州人

秋日和彭禹峯見寄

一別龍岡後誰同倒巨觴軍書爭赤白我馬信玄黃懷土依
茅舍平蠻幾戰場天南青瘴極無夢到黔陽
同為京雜客永夜倒壺觴蓬跡終難定河流依舊黃酒徒空
里社策士有壇場一望沅湘路沈沈老夕陽
沈○惟○之○氣○直
與禹峯對壘

戴王縉 神黃雲極直隸滄州人

秋懷用少陵韻

月、明、河、漢、白、此、夕、與、天、遊、無、限、乾、坤、事、悠、然、今、古、愁、孤、砧、背、
水、落、一、葉、向、人、秋、大、澤、龍、吟、寂、何、方、釣、艇、留、
忽、驚、秋、氣、逼、烏、道、幾、人、回、翠、輦、橫、經、過、金、容、飛、錫、來、甘、泉、新、

賦、老、戰、地、暮、雲、開、猶、有、青、虹、在、天、涯、一、送、哀、
闐、闐、彫、殘、日、湖、山、好、作、家、虛、窗、明、細、火、歸、鹿、印、圓、沙、野、意、聊、

移、柳、浮、生、只、種、瓜、秋、風、不、解、恨、猶、自、急、飛、花、
雨、夜、懷、鄧、孝、威、二、首、
洪、濛、摧、灑、氣、霹、靂、震、高、岑、風、雨、千、林、葉、江、湖、萬、里、心、悲、情、沙、

雁、語、獨、夜、野、猿、吟、佗、係、荒、園、裏、烟、霞、憶、遠、潯、
時、事、入、得、不、覺、
三、詩、極、鍾、鍊、而、不、傷、氣、

惟、悴、何、時、已、思、君、苦、未、休、亂、山、殘、樹、影、野、水、暮、雲、秋、雨、逐、江、
聲、黑、虹、明、夕、照、收、何、時、重、把、袂、清、夢、自、悠、悠、
思、沈、調、創、是、滄、州、家、法、

寄白石圃訊南陂舊居

南、郊、棲、息、地、百、畝、帶、荒、園、難、後、知、誰、主、天、邊、愧、我、存、雜、花、多、
傍、舍、高、柳、定、成、村、君、每、騎、驢、過、何、人、為、應、門、
舟、夜、
野、宿、兼、葭、岸、還、鄉、夢、未、迷、江、雲、衝、面、過、山、月、去、舟、低、時、序、三、
秋、末、行、藏、萬、慮、齊、孤、踪、漂、泊、慣、明、日、任、東、西、
牧、公、為、詩、輒、從、樸、老、處、入、
手、不、墮、小、家、
江、上、

張、謙、
牧、公、陝、西、狄、道、人、
得、樹、齋、詩、

○用○虛○字○好○極○
○如○話○
○奇○句○

○厚○

○大、有、樓、由、之、興、

○渾○世○

○不、傷、氣、

○三、詩、極、鍾、鍊、而、不、傷、氣、

○思、沈、調、創、是、滄、州、家、法、

○牧、公、為、詩、輒、從、樸、老、處、入、

○手、不、墮、小、家、

○江、上、

○詩、見、切、集、

○天、之、一、

○三、

言觀初集 卷之六 中藏稿
江邊百戰後，况乃未銷兵。風雨號新鬼，波濤撼舊京。雄關開
虎帳，幕府掛龍旌。可惜春風裏，偏聞畫角聲。
字字通社

春閨曲

天牛結高樓，闌干臨大道。獨上望遼西，開簾見芳草。
對鏡畫蛾眉，私心只自知。郎行曾有約，今日是還期。

極渾成字字入解

青溪

板橋東去是青溪，無數春鶯坐樹啼。欲聽江南楊柳曲，美人
立在杏花西。
亦復善操吳音

每與豹人言秦地多才，然後來之秀，咄咄逼人者，必首推牧公。此固汗血之駒，不日十里者也。

九日飛來峯登高限遙字

九日孤筇意與遙，同人恰此共峯堯。樹頭躡磴初無路，湖外
看江正有潮。山志不妨添好句，僧心亦解聽吹簫。始知破界
便無極，佛火寒侵夢寂寥。
不肯蹈襲却自暗合繩尺

卓天寅

火傳亮庵浙江武康人

傳經堂詩

清涼臺上草，迷離夢遠江南。祖德祠松栢，千山開廟祀。烟霜
六代放耕犁，天邊螺髻畱高隱。望裏蓮車實導師，灑涕龍門
空史塚，蕭條藿日寫殘碑。
凄然祖德之感。火傳詩近作甚少，故祇錄其一。

卓胤域

永瞻浙江武康人，思齊詩集

北固

郭外登高見海門，側身睥睨古乾坤。波浮山勢雙龍躍，雪擁

京口形勢在目

江聲萬馬奔鼓角時鳴樓櫓壯星河欲動水天昏居人指點
千戈地殘壘蕭條何處村聲彩奪人

吳鏞聞璋江南吳江人

送別紀伯紫之金陵因寄顧與治王元倬有味

千里神交已有年不堪傾蓋動離絃三山歌館雖如昨六代
行宮可似前每憶元公推世德嘗聞逸少重時賢相逢何事
輕相別回首鍾陵倍黯然

送袁重其歸吳門因寄諸同學

起有○生○致○事有盛衰增感慨別無遠近總淒涼時懷冰雪高人操日涉
風塵客路長四海交遊輕短劍同人詩句重奚囊唱酬多少
行吟者搖落應憐滯一方二詩淹秀而饒別致

麟嗣賔連鑄塵江南歙縣人

信陵君語雪草堂詩集

○畫○論○侯生為存趙毛薛為存魏得成一信陵兩却強秦帥折節交
市徒奉身為執轡人傲志愈恭小禮何足異總之信陵在能知人詩特

拈出

高漸離

漸離為擊筑盡起發悲歌聲音能感人易水倒橫波臞目朴
秦帝不中其如何荆高原是一路人太史公作傳極為嗚咽此詩得其旨

漂母

何乃奇婦人偏具英雄識能於貧餓中獨哀王孫食夫豈以
望報進之勿為德使其服斯言早躡赤松躅叶直看得漂母識見

言卷不集
甚高惜淮陰
未能領畧

嵇康

柳下昔何慚。孫登今何愧。譬之夫火然。離木非有燧。寄傷廣陵散於今。曾絕未。

遊洪山寺

寺距武昌東十里殿九楹元世祖建碑載臨濟慈忍大師事甚詳舊傳岳王手植松今烏

有矣

疊嶂接城闔。石逕何逸邁。剎古瞻象王。峯高號獅子。側聞臨濟師。聖蹟畱餘趾。佛日照飛薨。慈雲覆寶几。銷歇到禪宮。淒涼牧鄰豕。下馬頽垣中。看碑識原委。僧寮半丘墟。畫廊盡傾圯。荒鐘扈荔裳。殘經拜山鬼。客來值春深。零落感如此。登頓到上方。天風延萬里。晴光盪胸次。浩翠寫杯底。為問忠武松。

何時更摧毀。空餘石鼓崖。獨立荆榛裏。世遠蹟易湮。千劫如彈指。低徊不能歸。塔影映池水。

開先寺

寺昉自李中主賜名開先華藏寺前石橋古松可觀寺後有讀書臺

全用憑弔似子美詠陰房壞道時

艤舟彭蠡門。漸入廬山境。叶見遙觀雙瀑奇。首鼓開先興。星

星寺鐘聞窅窅村。鷄應野色歸。石橋松陰布。苔逕崔嵬鶴鳴。

峯高倚捫霞。磴下有讀書臺。風泉踞幽勝。入門愜奇懷。觸處

滿清聽。是時驟雨收。山靈不我吝。瀑落晴雲中。氣怒亦何盛。

我無憂喜心。隨流得認性。石上獨徘徊。山風度孤磬。

步步寫去

覺泉石在眼

雨中登黃巖寺宿上達僧房

石徑入松竹。幽寂如荒村。回看絕壑底。始悟茲峯尊。老僧黃

巖居茅屋依樹根奔騰澗中水終古常遶門攀緣乘晚霽苔滑苦難捫倏忽起雲氣漠漠迷朝昏雷電倚絕壁風水相吐吞路險阻歸客燒筍為饗殮挑燈聽山雨殊覺清心寬

間覺蒼異滿目固是境殊亦繇筆妙

空生閣

閣在雙劍峯左傍有龍潭深黝莫測從石門側入有二石洞數折始至閣中

欲窮瀑水源峽束忽無路上有蛟龍居下雜古今樹數石何漸漸飛動令我懼側身入空冥盤曲審跬步陰森鬼搏人日月如未曙一閣踞其巔青蒼於此聚山僧不常棲終年白雲住雙屏風為開倚檻時一顧曉來山雨晴豁見湖光露留連蘭蕙中恍惚若有悟

是何靈境令人通體震怖

玉淵潭

距三峽橋里許蘇詩玉淵神龍近蓋指此玉淵二大字在潭側石壁宋張公孝祥書

纔過三峽橋豁豁駭聞見吁嗟此奇觀曲盡水之變石忽不受水水怒如激雷其勢必斜飛下與蛟龍戰天地皆動搖鬼神亦驚眩淵深不敢窺辭滑試一踐我有悠然心六虛任周徧對之神益閒瀕洞增餘眷高歌扶杖歸習習風吹面

而見振筆疾書乃能有此稍逝則失之

綠水潭

潭方廣約二畝澄鮮可愛一切綠色不足喻之

嗟我雲錦屏千仞嘆奇絕中有小潭幽益令遊人悅色碧勝水蒼氣靈傲金屑滌滄寫青山蕩漾浴明月朝汲深澗中春草芳未歇濯纓猶不忍嗽齒愛其潔踞石看雲生悠然萬想滅慄慄難久畱步步與泉別還携寂照心往探上三疊

容潭景一語不溢

石門天池鐵船二山並峙如門壁削巉崿如萬片青紫雲凝結而成者王遂東觀察云花網梯海箭栝通

天可稱善喻

七嶺蘊奇秀雙闕名久顯連峯拱崇臺鳴湍趨疊巘躡磴未

千盤側身將萬轉路阻人獸稀春晴谿澗淺落石抱荒雲樛

枝帶古蘚攀林娛耳目理策忘疲蹇尋異陟丹梯高霞看舒

卷緬懷東晉人勝迹偏能選巖壑寄幽情夷然視軒冕安知

百世後餘芳猶可奉清暉尚依依物慮得所遣宇宙雖云遐

今古可無辯

遊屐所到耳目不肯放過故抒寫一皆爛然

登文殊臺看瀑布歌

摩天削壁寒雲濕樹老蒼深石骨黑迢迢澗水翠微來千尋直挂長河急鑿開混沌懸至今上拂蒼穹下無極好奇足窺

造物心泄闕自是山靈力西折突起獅子峯倚杖許我來相

即兩日冒險欲忘勞風風雨雨立其側千山萬山惟一音耳

畔眾響皆休息驚風歛掣水亂飛百出變態露奇突意象儻

恍心茫然天地黯澹雲無色太息真宰真難為元氣淋漓收

不得定心石倚文殊臺揮斥八極容徘徊更欲尋源上銀漢

披髮大叫天門開

至此地賞心極矣故筆力矧矔離奇輒與相赴

大林寺西竺寶樹歌

寶樹晉曇洗法師植高十餘丈大可四人舒臂絮之中分二頂碧絲

下垂至澗中曇公於講經臺東南雜蔣花木蔚然成林故名大林白香山常遊此又各司馬花逕山頂諸刹惟此

最古

大林峯前有寶樹蟠根尚帶異國土雷鋒電火增威儀石髓

泉源潤枯腐枝柯未入畫圖工正直豈遭鬼神怒草草閱過

晉唐人昔日孫枝今已言荒寺賴此顏色多遊人往往欣摩
 撫我當時晝坐其下木葉啼時駭山雨憶昨驚看簡寂松膚
 理藝鼎形蚪龍匡山古木不易得此樹傲岸堪爭雄君不見
 門前花逕眾香國芳菲遍植寒泉側等閒搖落任東風何如
 西域青青色全用鐵筆橫掃絕無雕鏤之跡

自蘄州放艇至田家鎮

春深辭楚澤孤棹復天涯岸轉山疑合江迴水易斜編籬防

猛虎分食飼神鴉富池甘將軍祠有神鴉去去匡廬近誰悲客路賒

佳句得之實歷全詩復整雅可觀

鏡湖菴贈雪悟上人

探奇非一嶺又上鉢孟峯湖向松巔落僧因定後逢道心

鳥得清福岫雲供滿路磨屨跡青鞵許暫從

宿東林寺

去西林百步溪流清駛橫貫其中蓮池在法堂前今已淤塞虎溪入寺門一小渠耳行人過此不知其為橋也

永懷蓮社客因過虎溪橋嶽色當門見泉聲落澗遙鐘荒山

月白春老石花消漸有風塵夢松堂破寂寥

武昌漫興

三分割據古荊州鐵鎖千尋往蹟畱世遠英雄無故壘江空

狂客有芳洲歌梁舞館巡遊日亂石驚濤轉戰秋為弔邾城

辛苦月夜深猶自照中流

調高似濟南識老如北地

黃鶴樓用崔司勳韻

黃鶴磯邊江水流江聲浩浩入江樓血埋鸚鵡千年碧雲起

言觀不負
中藏稿
瀟湘萬古愁晴樹遙連巴子國夕陽孤倚楚天秋于茂滿地
輕詞賦王粲應悲作遠遊
典酬落筆似不顧
崔顥題詩在上頭

題三疊泉

雲屏谷口古苔邊樵子驚傳六百年泉自紹熙辛亥始見斷壑始通看
濕路九門不鎖雨珠天誰拋鼉鼓虹為架似控鸞車電作鞭
我有琴心最幽絕高山來聽伯牙絃琴心三疊引胎倦見黃庭內景經山

奇筆墨自庸不得如此鑿險是繩師陰平手段

極日凌霄鐵壁高亂雲飛盡湧驚濤剪裁雪穀天孫怒劍戮
秋蛇鬼母號豈畏荆榛藏虎跡已拚身命等鴻毛骨寒且踞

金鰲石自煮清泉讀楚騷

作意搜奇幾如波斯寶船應接不暇

登五老峰

商丘漫語云五老峰自下望之勢如倚立自上觀之相距甚遠巉削壁立數百千仞軒軒

然如人箕踞而窺重湖可謂善狀此山者矣五峯皆
面石背土詭特百變各擅其勝山水之雄奇鮮有能
及之者

碧落徜徉物外身苔深石路迴無塵芙蓉夜洗千峯雨躑躅

寒開四月春廣記躑躅一望下方渾是夢直疑終古未生人

依稀天樂雲中近却惱松濤聽未真起似平坦結處現出神異

天池寺

即宋天池院洪武間廓而大之以祠四仙寺在小峯絕頂乃有石池泉流不竭

夕陽明滅亂峯頭吳楚江天望裏收鐵瓦風吹山殿動石池

春湧乳泉流尚方鐘鼓星辰側樂器皆大內物故國蘋蘩雨露秋御

碣旌功原盛典神仙非復漢皇求

牡丹

何處移來此異香年年培護在山堂已知春去渾無主不信

花開尚有王亂世名園多涕淚先朝奇本盡荒涼人間頗性
蒙塵土合領東風入建章他家但工作麗語此獨寓旨深遠正使穢豔者卻步

王又旦幼華黃涓陝西郃陽人山中集

自千尺幢緣狢猴愁行

清晨杖輕策入谷二十里傾崖驟合杏梯棧空中倚無翼如
何度艱難方此始萬狀石磴磴紛垂縹纒纒攀縹踏危石足
頓不能起巖屋照頽陽曾岑倒松梓養力憇烟靄乃知崎嶇
美東南得高壁路隘不任趾亂映無全天坤軸忽崩圯猿狖
怯方啼吾生悵何恃太息展遠眺前途尚喂蠅形容處筆筆剛悍

蒼龍嶺

削壁突斷絕微徑始躋攀長虹馳遠影飛落青冥間迅颺兩

崖起獵獵雲氣還連峯若動搖跼步亦孔艱天色撲蓮花瑤
草何孀爛陟危千萬慮曠望忽開顏璇宮應不遠從此款天

關簡奧靈秀皆備

御道

嶽色肆幽討訪古披叢禱巡幸聞昔王曾巖啓紺殿峻嶒施
綈錦風雲開組練緬彼秩望遐慨茲石林變霧裏古松出曲
徑白苓徧手攀將軍樹暫時展深戀憶昨宿青柯東壁恣遙
盼爽氣盤雲臺冥濛目苦眩向訝最高峯到此了不見浩浩
巨靈力斧鑿畱婉嬾坐看掌跡近長吟不知倦切實說來已極變換

黃涓寢食書史嗜友若渴故其詩沈毅而多真氣
嵇宗孟叔子子震江南山陽人

桐廬有感

澄江一碧靜無垠。荇帶藤絲數極真。野濶羣山遲曉日。霜清古樹變陽春。村墟人寂牛羊臥。估客船開橘柚新。欲訪桐君煙艇杳。溯洄好問打魚人。
○此○句○最○切○
秀絕如置身
桐君道上

婺州晚泊

東婺孤城倚暮霞。西風群雁立晴沙。雙溪日落人歸馬。入詠樓空夜聽笳。龍臥長橋舟楫濶。鶴明華表月光斜。凭闌極目思千里。獨館寒燈正放花。
○風○味○恬○適○
自是錢
劉高唱

蘭谿

月明烏鵲三河戍。霜冷綈袍一葉舟。水下激溪連太末。地分寶婺接東甌。清宵畫角山城靜。北屋紅蘭氣象幽。鷄犬渾然

存古意使君高卧亦風流

獨臻雅境

湖上月

髮鬢烟鬟未了青。湖光一碧水泠泠。雲開寶鏡天疑畫。船坐銀河夜數星。黃鵠風高人正遠。紅樓香細酒初停。良宵閒客從來少。橋畔松陰曾幾經。
○新○而○渾○
好境

西湖漫興

湖半荷花香。半舟高山四。匝水中流飛飛簾。外催詩雨站站。波心狎客鷗。白苧紅牙天上座。畫樓翠棋鏡中浮。大江日夜悲吳越。獨有西泠不載愁。
結語有無限感
慨多少經濟

秋盡去武林。畱別官雪潛年丈。

鳳山胥嶺大湖東。炎宋威儀在兩宮。烟樹萬家春雨綠。晴川

九月渚蓮紅美人政暇樽常滿才子官貧詩益工別去高齊
○御○入○有○筆○
明月夜雪兒檀板與誰同
上四句莊重下四句搖曳詩格最變

午日同澹菴諸子登太乙閣
○好○句○

雲抱青山水抱江泊船孤閣接香幢人從太乙分藜火雨下
巴河打客窓赤壁漫遊還有約南樓得句自無雙堪憐正則
空荆楚獨醒何如花撲缸

南屏雜詠

西湖西去萬山間桑柘離離茅屋閒路到飛來峯一半白雲

先伴老僧還
毛家埠

萬丈懸崖百丈泉玉簫吹徹洞中天正愁明月寒侵骨却被
深松遮半邊
冷泉亭

碧殿金鋪十二重講筵坐繞百芙蓉道人不解風旛論獨愛

門前六六峯
靈隱寺

荒祠馬耳臥秋雲黃鶴西來叫岳墳最是傷心門外草恨無

鐵鑄石將軍
于忠肅寺

日日西湖醉綺羅深山曾得幾人過周旋世外惟麋鹿消受

春風雲一窩
烟霞洞

吳雯清
方漣浙江仁和人雪肅軒詩

橫雲石

振衣攬層雲片片秋雲冷俯瞰諸雲根峯峯亂雲影謾謾松
○是○何○
濤叫聲寒飛泉爭澗聲潺湲橫空忽落如雲石縹緲千尋難
○境○界○令○人○心○骨○俱○冷○
躋攀杖藜獨立不能去顧盼凌虛欲躡蹠老僧穿隙踏雲還

詩勸初集 卷之六
路迷紅葉無尋處
落筆直欲
追出奇勝

石鐘山

昔讀髯翁記今登湖口山雙鐘排浪出五老叫雲還叠閣僧
○結○得○佳○
棲穩懸崖鳥語閒欲尋鐘磬處欹枕聽潺湲
○妙○

峻嶒連雉堞雪浪拍重重山響來晴閣江聲到遠峯天空逃

燕雀夜靜起蛟龍佛火停僧梵應疑雜晚鐘
妙語正在髣
髴即離間

宿文殊院

曲徑尋幽上穿雲夕色妍寒風吹石壁落日照松烟客話圍
○盤○
爐火僧茶汲澗泉一燈禪榻寂高枕萬峯巔
詩中
有畫

段橋夜坐

峯靜疎鐘出偏宜踏水漬遙村燈影暗雜樹鳥聲聞風碎一

湖月天空半夜雲西冷波色裏渾欲挹清芬

頸聯深領
湖光者不知

晴川閣次家賡菴韻

城郭人民幾度秋登臨勝境意偏幽接天山色陰晴變匝地
○一○句○中○包○括○數○義○

江聲日夜流古岸婆娑憐樹蓋荒洲零亂羨鷗浮客愁無限

隨烟水為惜餘春獨倚樓
雄渾不
負山川

黃鶴樓有感

臨風不覺過城巔下見波翻浪復前柳色暗連二楚雨桃花
輕點一江烟芳洲碧淺迷鸚鵡蒼樹春深聽杜鵑聞道青蓮

曾閣筆登樓應媿白雲篇
筆致
娟秀

平山堂雅集

客來何處覓瓊花聊放輕舸傍水涯載酒不尋前太守聞歌

誰憶舊隋家。風生遠樹搖青影。雨過空江變紫霞。醉望平山
山外路。萋萋芳草夕陽斜。

南還舟過泃溝感賦

風調
婉愜

悵望烟波未有涯。殘垣古戍重堪嗟。愁雲漠漠天連水。落日
荒荒客憶家。豈有淺沙畱去雁。全無老樹待歸鴉。獨憐一夕
西風急。捲盡灘頭蘆荻花。

野廟

圮殿頽垣誰氏祠。寂寥苔徑卧殘碑。金風白日吹爐冷。燐火
先朝賽鼓遲。荆棘高低盤寶馬。蜘蛛絡繹繹繹補靈旗。牧兒去後
歌聲歇。兔跡狐踪伴夜鴟。

可畫野廟
荒涼可念

送家長庚出使安南

玉節金符漢使槎。碧山學士重皇華。扶桑日出知天大。瘴海
王程紀地賒。身許尉佗供白粵。不妨勾漏訪丹砂。國恩深厚
稱藩遠土。貢要荒舊一家。

冠冕正大
是應制體

宿楊村

高樓旅榻影徘徊。聊放秋光入酒杯。一水亂灘從枕過。千山
圍月到牕來。閒聽木葉蕭蕭落。細數蛩吟箇箇哀。永夜孤村
人語悄。幾聲荒寺遠鐘催。

險拔處令
人叫絕

晚入藥谷

青鷲峯下步遲遲。為訪幽居足已疲。穿窬板橋驚欲墮。隔林
茅屋望猶疑。桃源舊徑依津問。藥谷孤樓倚石窺。僅有殘僧
相對晚。寒潭清嘯少人知。

嚙刻方能盡
山水之勝

狎浪閣

結樓棲樹杪。天半發清吹。泠泠驚夕瀧。應有羣龍戲。

澗立

蒼崖薛壁絕躋攀。古木陰陰怪石閒。惟有澗聲喧不任。畱人

倚杖聽潺湲。

此境誰人享受

送友人燕

霜醉楓林葉。下初送君江上。嘆離居故人。驄馬如相問。為道

窮愁不著書。

如此翻新妙妙

吳山濤

岱觀寒松浙江仁和籍歙縣人

塞上雜詠

紫塞長城望極天。祁連山勢接居延。沙平遠見行駝緩。草淺

頻呼怒隼。徧旗插夕陽。明斥堠。書馳絕徼。達甘泉。安西幕府

無征戰。風定轅門鼓角宣。

句中有眼不祇聲采之壯麗

孤懸河外古涼州。五郡確籬控上游。無數野烟番部曲。幾群

牧馬海西頭。行人盡日腰弓箭。戍卒經年衣革裘。六月雪山

消未得。油油禾黍又新秋。

金城關勢壓橫河。浩莽邊風掠怒波。樓閣晴雲低萬雉。林巒

陰雨失千螺。番人貢馬循墻入。漢使乘槎絕域過。好把蒲萄

澆盡醉伊涼。新譜柘枝歌。

莫道春風斬玉門。積間楊柳亦成村。輭裘午卸鳴沙暖。弮鼓

宵撾塞月渾。土屋女兒拋綵索。毬場壯士醉蘆根。人情但說

江南好。積雨殘花易斷魂。

岱觀官同谷不得意乃退而游西邊幕府所著關塞諸吟皆雄

麗悲壯醉後每喜向人頓
足歌之真鳥鳥秦聲也
孫蕙樹百山東涪川人
笠陽詩草

過嚴子陵釣臺

灼灼釣客星。番番孤鴻羽。富貴等浮雲。羊裘亦自足。衰至物
漸驕。名矜道不固。長此永沉寔。○妙○句○餘清散江樹。絕嘯歛暮烟。奔
崖薄宿霧。風際叫林鳥。岸側紛渚鷺。古人亮有懷。悠然適其

素。堅響厲節
起人竦企

歸鳥

番番頡雲鳥。戢翼集深樹。厲響振林谷。八表情倦顧。豈不友
黃鵠。復恐違其素。聲諧歡舊棲。歛翮性已固。託身馴林端。眾
物不相忤。所庇非榮蔭。矰繳理何懼。晨飈清興發。還自惜毛

羽

取材潘陸而緝以性
清固非循聲逐步者

遊涑川

流霞擁遠樹。空翠落河樓。水破魚龍夢。春邀日月浮。孤心迷
斷雁。萬慮托輕鷗。檻外晴絲卷。搖颺續客愁。○破○字○遊○字○皆○奇○警○
詩極
沈摯

登婺城密印寺塔

古塔凌霄上。呼來帝座通。諸天朝海日。一雨臥江虹。曲抱金
輪轉。高懸玉鏡空。登臨懷謝監。縹緲意何窮。○高○繁○
選意徵調
皆歸上流

泊舟滯雨

凍雲連楚塞。野艇泊江干。杵響飄空壘。帆高納遠灘。人歸秋
夢老。客思雨聲寒。風急鴻呼侶。嗷嗷惜羽翰。○妙○
全詩整而警
句殊出人意

表

時朝玉京放浪名山空寄托豈如終歲傷希夷敞罔濛曠任
盤礴我生夢已破鹿蕉欲凌絕頂求大藥古雲滌洩護蘭寮
琪草葳蕤映松幕陸厨鄴架翠靄中嘯傲掀髯探奇鑿有時
鵝藥燦鳴琴神氣激昂意澹泊縹緲更聞王子笙高閣虛無
天寂寞寂寞青天滄海流手把芙蓉展戲謔
似長
吉

遊香山寺贈李聞喜九畹

龍門風節滿中州謝客欣逢載屐遊絕壁三峰搖夕照長河
一曲抱春流天清獵火金璫動月裏禪雲鶴蓋浮昏黑上方
人盡醉猶憑梵語憶筵篔
氣岸巍峩自
是盛唐絕調

龍門

崑崙劃出大河通萬古安流祀禹功勢下三門吞郡郭波翻
九曲入鴻濛削成兩岸飛晴雪橫擊中流落曉虹問渡還疑
天路近竚看巨浪破長風
全首壯邁落筆時
應有蛟龍飛舞

王後齋筠邀飲西湖

醪醑相對此披襟十里殘荷葉葉侵客裏應聞青瑣夢樽前
暫結白雲心鳧鷖初浴涵波淺殿閣中流積翠深浪跡天南
頻北望六橋風雨晝陰陰
森
秀

贈別郭有大

虞翻四海嘆交遊明月隋珠肯暗投白雁霜遙芳草暮黃墟
酒近大江流獨携孤劍星河影欲授寒衣砧杵秋此去故園
梅正發五湖三畝待歸舟
雄偉却
極流宕

遊天竺寺

舊跡青鴛古。越西層層巖。護金泥。環中高閣。隨僧卧。世外
香臺任客躋。九里寒松生大麓。三天翠竹落清谿。上方迥寂
含元氣。檜老峰頭日欲低。

登婺川八咏樓

翠屏廻合萬峯收。婺野星分古。縉州解署開雲。遺榻在人琴
往跡大江流。西堂社燕迷春草。南浦漁郎狎錦鷗。苦憶東陽
清太守。苔陰滿地客登樓。

渡江望金山寺

氣鬱南徐控上游。孤巒日壓大江流。波闊鐘梵沉雲。冷岸側
峰烟傍客浮。鳥鵲巢懸瓜步月。魚龍浪激甕城秋。登臨未遂

此詩妙在風神

揚帆去。雙眼猶青海嶽樓。

字字是望細玩乃知其妙

過澗池

灑水東來抱郭寒。成阜西拱入層巒。何年紫氣衝關出。今日
青帘立馬看。夕樹微陽邨色暝。春鴻乍雨客衣單。雄圖割據
全銷歇。歎血臺空戍壘殘。

鋒鏃四射

登白帝萬壽閣望太華三峰

氣肅金天野色迷。凌空高閣與雲齊。芙蓉列嶂山如繪。松栢
千尋鶴欲棲。檻外風烟秦樹滅。望中雲物漢陵低。當時幻指
明王夢。玉簡金綸護紫泥。

聲出金石豈同凡響

登靈寶縣女郎祠

縹緲仙樓似玉京。蒼茫獨眺旅人情。河聲入洛三門合。嶽色

何等眼界

來秦萬里明望氣臺空芳草暮度關人去夕陽橫孤心別寄
登臨外徙倚愁聞二月鶯

登潼關城樓

筆端有萬里之勢

麗譙鼙鼓黯銷魂獵獵西風日欲昏九曲河流雒塞外三峰
嶽色入中原粉榆古戍寒烟色隴隰平蕪落照痕忽憶翠華
餘恨在銅駝陸鹿不堪論

有車麟鐵駟之繫是謂秦聲

月下集城樓遠望

麗譙危倚俯龍湫萬象空濛夜色流詞賦競憐今夕興風塵
悔負十年遊月明烏鵲翻星斗潮漲鼉鼉撼堞樓世事祇堪
持蟹醉悲歌欲典馬卿裘

潤大又細賦直空作者

七言律則野渡浪息離頭雙鷺立雲邀渡口一龍浮天竺雙乳峯搖蒼樹夕一虹澗鎖白雲深晉遊幾灣涼水環裴

嶺一騎龍門弔史遷秋思千峯畫閉梧桐雨一雁霜清薛荔花秦川上蔡獵場金勒滿阿城粧閣酒車通皆為名句

吳飲

樓間瑟瑟秋樓上盈盈女簾外注秋波低聲歌白紵

自爾蘊藉

太華

絕頂青旻露掌開仙人風跡隱樓臺雲間忽敞中原色俯看
黃河一線來

長門詞

盡日珠簾懶上鈎承恩誰在殿東頭夜來頻向階前立花落
無人月一樓

甚柔

李

澄鏡月劬菴江南高郵人敦好堂集

宿開先聽雨畱贈石濤禪師

泉石遞晦明。暝色延淨土。淹留尋寂樂。山花濕澗戶。大師徑
山從蕭蕭毛髮古。煮瀑拾枯松。啓窗聽春雨。清言見性真。聲
聞了無取。夜來飄風發。千巖鳴鼉鼓。驕然空諸根。愀然念諸
苦。晨起陰霾開。萬籟歸何所。飯罷上黃巖。鶯啼在梵宇。
過讀

聲響
都寂

玉淵潭

山遊凡幾日。腸胃爲盡洗。還逐澗邊行。金井深無底。險絕三
○傳○寫○如○千○條○瀑○布○峽橋崖色爛。肝紫遷迤聽。水石激撞怒。不已須臾落。深潭瀾
浩無停晷。雷鼓何喧闐。飈輪疾於駛。山僧導客至。悚息一喘
指恍惚。嶽靈來。陰風生步履。
○委○曲○

曲傳山水之情
不奇快不已

登文殊臺看瀑布歌

巨靈斧劈山骨裂。九天千劫噴冰雪。石走爲翻驚極。龍獅十
一峯偏突兀。古塔矗立文殊臺。臺邊鳥道臨削鐵。我來積雨
連春月。屐滑苔深幾傾跌。海霧冥濛猿狖身。黑雲黯黯蛟龍
窟。黃巖僧舍夜熟眠。朝來竹樹開晴烟。攜筇直上芙蓉巖。萬
象歷歷豁眼前。空際鮫綃真破碎。雨餘翠黛轉澄鮮。安得八
極挾飛仙。憑虛跳躍清冷淵。是時曉日照山邊。赤光煜爚珊瑚
瑚。鞭驚風旁掣。忽不下。恫心駭目神茫然。曲磻行歌薜荔濕。
怪湫晞髮靈芝妍。此景造物所秘惜。而我眺賞有夙緣。亭午
雲氣復鬢鬢。嗟呀歷盡下平川。樵人指點五老背。奇絕還尋
三疊泉。
○歷○心○摹○擬○鐘○聲○疑○有○烟○霧○
○全○力○摹○寫○直○是○眼○前○奇○景○不○肯○容○易○放○
○過○其○形○容○入○神○處○令○我○耳○端○時○聞○風○雨○

三疊泉

鴻濛流不盡。千仞濯芙蓉。亂石蹲青兕。飛濤撼螭龍。銀河停
更落。雲氣歛。還封何幸。晨光霽。尋源入萬峯。語皆百鍊

登五老峯

瀟霍岩堯漫。比論五峯拔。起劈崑崙泉。流削壁虹蜺。挂石壓
枯藤。虎豹蹲。下界鴻濛疑未闢。太空星漢任高舉。讀書頭白

匡山後。怪爾青蒼萬古存。

奇偉生創又不似北地之莽

宿萬松坪。增聞極上人。

時聞極將赴入寶講經之約

策杖深幽欲暮天。萬松深處一高眠。冰霜氣凜陰崖下。日月
光遲疊嶂邊。青兕幾回啼靜夜。山僧終歲聽鳴泉。還來結社
珠湖上。此地池苑滿白蓮。沈着

天池寺

天池水湧碧雲中。前代膺圖祀典崇。法界鼓鐘頌御苑。僊家
樓閣映晴虹。佛燈幾夜埋深谷。鐵瓦千年捍烈風。更上層臺
增徙倚。江湖萬里夕陽空。但覺其深秀不覺其雄麗此中難言

呂祚德

錫馨江南金壇人
大坏詩選

武陵春郊從湖墅步松木場

桑出蠶始萌。群動發生理。苔色上石壁。郊原綠如此。東風吹

我襟。隔墅見流水。烟火徑中開。輕刁錯猶蟻。山水亦云勞。歸

來酌新醞

語不多而趣永

燕臺雜詠

西隣有嘉樹。烏鵲巢其巔。叢柯衆鳥托。四五乃鷹鷂。此中一
最驚。饑象時流涎。非無擇木謀。久安不得遷。逝將翻飛去。新

維難共騫仰視崑崙鵬扶搖直刺天九萬亦有程卑枝且息

懷陳伯璣

嶺流瀆漭下西江南窺七澤奔流龍小姑彭蠡據其北轟轟

匡廬天半極中有文學蔚如林蜘蛛家握人球琳陳子盛年

三十許詞源倒峽吞吳楚幾歲上書不見收干戈避地江之

阪濤聲夕捲盈兩耳曉起雲烟揮滿紙百里遙看采石山白

也遜跡歸雲間我欲挾君驚人句我着亭上與君遇

臨風欲舉

渡淮

帝里今何在長淮日夜流濤聲紅帶雨戰血碧經秋別浦驚

中藏稿

章、法、清、楚、

襟袖飄飄

漁棹高雲撼戍樓鯨翻風不靜顧影動吳鉤

詩帶英毅之色便非特筆

虞山雨中春望

屐齒行空翠鶯聲轉送迎陰崖泉欲滴遠淑樹何平帆向湖

尖落烟從屋角橫濛濛天地色誰與問春明

鳥沙映風便

一葉衝飛霰飄然去客舟山山凝暮靄樹樹入芳洲塞雁翔

南浦江豚拜上游故園知漸近憑眺思悠悠

大風登黃鶴樓

樓勢欲吞江登臨萬派降天風吹不徹烟景幻無雙鶴駕雲

中輦檣移木末幢上游形勝在三楚盡當窓

踔

屬當勝地故筆墨遂爾騰

祭風臺

火攻經一戰鼎峙定三分地借孫吳力天成諸葛勳江流空
往事石壁紀前聞挂席乘風去高臺鎖碧雲精悍

雨中過高座寺訪無可上人

丹地花磚踏影閒風吹一夜到禪關竹窓雨濕螢來去蒿徑

泥封雁往還漢使豈難留故節中原莫問隔名山叮嚀寄語

天南客拄杖須存古道顏

只是氣厚

禹陵

河洛明禋繫所思荒陵秋草不勝悲空餘廟貌雄南服剩有

豐碑記夏時萬古平成天地事八年辛苦鬼神知寶山回首

冬青樹共入斜陽野火吹

結處妙于題外着想

人在石橋西殷勤舟楫誰能理顛倒衣裳我自迷惟煞坐深
催未至琵琶聲咽畫廊低清艷可入冬郎集中

棲靈寺

迢遞崇岡衆壑分薄陰西望逗微燠玉鈎不掛平山月金釵

空深法海雲何處逃藏春寂寂千年殿脚草紛紛只今歌舞

殘灰盡未許閑僧靜夜聞深○覺○

西湖四時歌

橫塘春草長郎在樓頭眠喚郎踏春去東鄰已上船

莫切盤中藕莫采湖中蓮切藕牽絲緒采蓮誰可憐

門前有衰柳來往繫郎舟郎去柳條在秋風無時休

南北山山雪夜寒湖水冰郎心若肯熱不在十重綾

古

如聞其聲

風阻潯陽
閨裏金錢卜遙知計日程北風吹獨臥夜夜九江城
妙在夜夜

字二

烏夜啼

何事秦川女烏啼語碧窗迴文織不就掩淚向銀缸

靈隱

入寺莊嚴出寺幽溪聲山樹四時秋冷泉亭子無人識盡向

巉峩洞裏遊

如此指點非深于山遊者不能

照山旅夜

不堪憔悴問梅花廢寺荒荒月影斜易醉客眠還易醒春風

夜半亂啼鴉

僕前虎丘有絕句云白隄春盡水連空吳榜頻吹柳絮風忽忽酒醒眠不得五更新雨打

題雲門廣孝寺禪房

丹梯共躡復登臺靜揖諸峰翠欲來石乳迸時新竹引天光

到處早梅開山僧說法拈碁局野客觀禪斷酒盃慚愧拂衣

仍浪跡五雲何必近三台

金牛嶺道中

策蹇新晴路阻迴金牛半壁插天開蹊田盡放三春雨合澗

驚聞十里雷處處荷鋤窺笋拾時時琢斧負薪回竹籬茅舍

鷄聲急應是桃源莫浪猜

筆下有烟雲杳靄意

黃梁夢處

黃梁遺跡至今題碧字丹楹一枕低未必盧生真有夢大都

仙客指人逃平原謾謝通輕俠馬服虛傳事鼓鞳婚宦此中

言舊不集 卷之六
原碌碌好將眠醒物俱齊

看得極活于此
悟讀書之法

中藏稿

夜宿洞庭湖

羅江北下洞庭曠夜氣旁蒸澤國雲河漢一天都倒影烟波
千里自成文客心搖曳汀沙外漁火稀微雁鶩群憑眺太虛
空濶甚角聲何處水犀軍

寫得空
森無際

贈羅弘載

却離茗上到揚州都是樊川舊酒樓自古文人無薄倖至今
詩卷盡風流雲霄直向鬚眉卜霜雪寧餘髻髮羞對語青空
休咄咄此身肯信作虛舟

西郊訪艷

尋春不見草淒淒雨過郊原綠影齊桑落酒餘金谷異
草

船篷與此詩
情景相似

立秋

雲溪侵曉路紆迴忽動金飈客抱開不見梧桐飛墜葉鷓鴣
聲裏送秋來

是鷓鴣聲則在他鄉
可知此詩心之妙

長干清明竹枝詞

守置園陵左右軍炊烟裊裊結愁雲漢家舊有新豐市賜火
于今久不聞

江東風景勝維揚千古興衰各自傷遙憶隋朝歌舞地無人

清淚滴雷塘

却自
風韻

姚文熊 非菴江南桐城人
紅雨軒集

述歸

慎巽堂篋

征車閱歷想間關一月歸心一日閒茅店夢中春夜雨荒村
驢背夕陽山橋頭沽酒楊花落渡口橫舟草色斑書劍飄零
無限恨開樽且為破愁顏 秀動有致

陳豐陞 元蓋福建晉江人

燕京和別鄧孝威

眼見群公策治安且甘清夜老漁灘龍蛇起陸心難隱虎豹
當關夢亦寒未有三升酬美戀祇緣五斗了閒官鷓鴣杜宇
聲聲切東望刀環冷眼看
便自驅車行復行却吹橫笛喚愁生祇將白髮供詞賦誰道
青山累姓名燕樹朔雲勞執手吳峰閩海記同聲好看下瀨
戈船靜躡屩登樓萬里情 淹潤婉惻 工于言愁

宗 觀 鶴問民表江南江都人 咸園山響諸集

遊夾山漾過能仁寺

四水赴西茗亂流匯諸漾幽蘊首夾山近郊恣遐賞迴轉翫
峴峰九面浮波上柔柔衍綠疇新蒲汎烏榜遙睇匹練光石
橋凌村港遠樹既玲瓏環洲亦超曠岫斷聚雲連深淺層巒
狀對岸積烟嵐窈緲橫天長林屋叢薄逃寺門密箐障方塘
守嚴符前浦絕漁唱靈境可棲禪幽人遲遙望處喧耽冥搜
久寂違沆瀣動靜互倚伏茲理誰與廣 全學康樂結東處 尤如樂衛清言

遊峴山

郊甸展晨遊芳春恣馳蕩華薄帶朝暎沿堤遡柔漿遙峰聳
奇秀繁柯逞峻朗山麓累亭基平砥躡步上歷磴謝崇隆登

堂面弘敞滴翠轉徑幽荒祠聞風仰亭亭浮玉懸森森碧湖
 漾烟中埤坵橫縹緲極孤往既愜巖壑娛宛類園林賞僧出
 閉荒寮團樂蔭篠蕩清遠信地偏惜無好事獎偶克俄頃歡
 永結殷康想此中不知此詩之妙也

仙人山下訪歸雲菴

步出二峯菴緬企歸雲勝石磴下荒阡水田濼側徑盤紆沙
 漱平稠疊巖巒峻密林抱山扉華景散輝映遂登掛瓢堂緬
 想高風勁沉醉埋奇蹤獨往謝嘉運散仙塚尚畱殘編墨愈
 韻階下老梅柯樛屈虬龍橫顧戀凌雲姿危欄時一凭野寮
 間無僧枯禪響清磬鮮華之氣如曉日初霞

登碧巖最高頂

弁山亘百里碧巖基曾巔指途緬隈隩理棹遡洞泐水遠山
 不近縹緲白雲端仄磴滑危步欹岑捫弱荃仰羨疾足升俯
 畏杖策顛峯腰憩幽石巖嶠何蜿蜒禪房倚峭壁孤上千仞
 懸朱藤冒佶曲靈湫吐寒泉龍子紛無數戲水輝紅鮮側逕
 尋龍口雜坐挹珠簾涓涓謝泐泐冷冷潛連綿憑嶺面太湖
 蒼莽浮遠烟上方爽氣候高寒風灌然溲次斷遊蹤廢賞遺
 地偏徒軫公緒抱還愧許詢便名巒藏郭外歸為居者言

尋幽搜異覽過遂覺雲嵐在眼

龍華寺

雀舫出畫溪筍輿入山腹數里越翠濤烟雲時換日到寺未
 知門洞口丹崖複一逕轉深篁長松夾萬綠樹樹吐梅花芬

霏散寒玉平疇一坦步。合香峯攢屋籬接小橋橫。篋管千頃
 續雲日冠澄鮮。蔥蒨淨如沐。香積引山澗。竹筒激噴瀑。方軌
 笋簇肥。詎意離管促。蓬心任飛薄。揮手謝高躅。
層折烘染
 雲霞蔚然

白雀寺

漾舟凌清湍。登巒赴喬林。開春氣候變。卽事偕賞心。松栝夾
 石道。延佇爽我襟。和風激翠濤。幽響奔空音。丹青堊古壁。萬
 景寫蕭森。龍雷呵護久。浩劫免蝕侵。丹梯層次上。登頓忘嶮
 嶽。長廊轉殿角。香積通遙岑。巖亭聳升望。湖波縹難任。紅鮮
 被華旭。照耀曲水潄。縈紆盤懸崖。猗接俯蒨深。忽疑向來徑
 輒若山之陰。撫茲靈異境。空軫物外吟。安得寫丹壑。卧遊理
 清琴。
寫得堆璨奪日却是
 實境藉綺筆以傳

從竹徑入資福寺

出寺竹萬竿。幽光佇遊目。縱步入深松。冥濛晦山澳。陟徑澗
 縈紆。隔溪岫。迴複憩石噴。清泉踰岡被。華旭豁然林。罅開精
 舍丹梯。蠹嵌壁。構石樓。飛花燦金粟。講堂嘉樹圍。經苑諸坡
 曲。伏虎跡在林。流鶯春滿谷。新芽含蔬紅。初篁脫苞綠。開懷
 赴良辰。愉悅惟幽獨。物化薜齊榮。塵囂車轉軸。百世會須臾
 邂逅存信宿。
紛綸蒼蔚徑
 路自爾豁然

月下看慈仁寺雙松

燕山奕奕蟠龍氣。餘力突生雙松樹。古貌蒼皮屈鐵柯。左孳
 右攫互盤踞。摩天直幹不欲放。縱之橫之吐奇狀。天矯虬螭
 旋舞低支離。日月陰森向三日。松根廟市開如雲。車馬轟如
雙松
 極像

雷攀梢匝地爭喧坐贊誦神物何有哉我來佛閣鐘鼓靜大
枝小枝懸明鏡獨立寒光看不迴諸天肅穆全幽性松兮松
今托根五雲闕下西方宮閱歷人代千年空西方聖人毋庸
功挺生厚氣歸鴻濛有刻劃處有渾淪處總無弱筆

古桃葉渡聽吳人度曲

金陵往事都休說團扇猶知喚桃葉綠楊渡口接平康十五
女兒顏似月楊花一去水迢迢畫漿風輕艇子搖西載莫愁
湖上雨閒吹子野宅邊簫吳宮花草須臾改還遡清溪野渡
在如何千尺架飛虹潮去潮來誤欸乃公欲渡河休問楫美
○中○如○開○尚○文○微○吟○人已失王家妾岸傍游冶踏歌來疑是迴廊響步屨此夜高
樓噪晚鴉波心窓面兩行斜吳儂新奏清商曲南國銷沉玉

樹花一聲鶯吐千人靜長橋今夕清虛境遙天白練偃蒼龍
咫尺銀灣金漢影移情最是絲與竹萬事能教忘反覆曲終
橋上月如霜依舊山青流水綠一聲河滿子雙淚落君前豈是尋常懷抱

登報恩塔

絕頂琉璃構冥然耳目觀江山濛○○○雄○渾○一氣龍虎鬱千盤直瞰諸
天近遙臨中土寬峩峩雙鳳闕翻作下方看大家舉正却自警勝

松巔閣遠眺

俯檻臨寥廓飄然野望心江痕樹杪淨海氣日光陰幽境誰
逾此空香何處尋僧言十八澗還向萬山深○○○奇○幻○
恒想俱盡却又非分外求

奇

滄州

言觀衣負... 卷之六
風送舸船疾。滄州酒未沽。天青河淡影。沙白水分途。耿耿傳
寒析蕭蕭起。夜烏猶然幾。輔地宿衛擁。兵符

臨清

○移○下○得○
一城三百坵。城裏渡帆低。衛水斜承汶。黃河直犯齊。舟從權
木滯。草向客途萎。便下長淮近。因人舟復西。
時由燕入豫 地形木勢

井井
筆端

汴梁道中

喪亂曾驚聽。郊原此日過。近南秋樹少。直北戰場多。朱邸無
遺趾。黃巾有逝波。眼前人事盡。邈矣宋宣和。
踈踈寫去收束峭甚

洪澤湖

洪澤盤渦急。無風渡亦危。聒天雷吼徹。拔地雪翻奇。欹側輕

平望... 此時回看驚。拍處一葉命如絲。

聞此地極險。讀鶴問詩猶

泗州

壬金何平歌。微茫泗水長。過湖無斷岸。返照走危檣。豐沛雲
常暗。樹陵樹早荒。祇傳開士塔。突兀自三唐。
豈能免于慨歎

盧溝

馬首工。畿近盧溝地。險遙神丁開。巨石怒水壓。飛橋積翠群。
山。曉鳴沙。六驂騎多情。城畔月送客。自前朝。
骨力剛勁故下筆即無懦

聊城

蹈海人何往。聊城尚有碑。雄風齊俗變。沃土舜畊遺。水陸衝

詩見方集

慎墨堂篋

詩藪卷之六
舟馬東南給棗梨四方烽未息惆悵魯元

望江次蒲菴韻

勝絕登峯望天風吹客愁東南一水劃吳楚萬山浮帆亂漁
磯僻烽銷龍象幽隔江蘆荻岸斬伐盡沙洲
數語耳有江山寥廓之勢

宿圓證寺題壁

暫宿雲巒碧樹叢四山杳藹下晴空鶴歸夜響千巖月虎過
山畱萬壑風隱隱妙香吹不斷沉沉清漏許誰同匡床睡穩
銷群相翻覺心清勝惠公

自靈隱入韜光道中

嶺盤石磴勝躋攀一徑烟篁入翠鬟直望上方飛白鳥却看
下界遍青山橋橫流水歸僧憩花暖輕雲照客閒指點潺湲

石畔路金芝瑞輝散禪關

搖筆綺麗

韜光菴前遠眺

極目超然野興馳雲林歷歷見層嵐參差吳越難分岫隱見
江湖併在菴湖定英雄誰射弩陵荒帝子有遺龕休將世外
興衰理一扣松風趺坐談
俱言菴外之景字字奇秀

愛山臺

憑闌直接道場峰塔影依依向短筇山沒雲烟生洞窅天晴
蒼翠滴芙蓉嘗聞錫響驚巖虎想像花飛制鉢龍自有高臺
看不厭幾人清嘯一相逢
僕客吳興每坐臥此臺移情人之覽鶴問作如置身烟水窟中

晚秋感興

瓠子秋風萬里愁金堤一線盡橫流黃雲苗黍空淮甸紅粟

梯航緩冀州莫效漢庭沉寶玉徒聞上策鑿秦溝成山廢道
今難問海運休將前席籌治河為今日要務齋益糧如何可行且前朝行之而漂沒不可

勝計矣宜鶴問蒿目及之

大梁

馬渡黃河新築城長壕青柳漉泥生月荒梁苑停車影酒醒高○老○

關門擊柝聲遠控豫燕開幕府安流汴蔡漑東京銀筆金甲○令○人○

都消歇彈指桑田又可畊○緬○然○感慨最要深渾此首得國風遺意

朱仙鎮

古廟回岡野日昏灘沙斜抱濁流奔金縉易下金牌淚鐵像○風○聲○之○遺○

難銷鐵馬冤楊柳晴春生戰壘氈裘小市聚孤村淒涼夜火

黃冠在獵獵旌旗陰雨翻許丁卯有此傳無此餘

臨漳懷古

鄴下聲華今尚存望陵極目控東垣兩朝父子文章伯亂世○俱○有○論○斷○

君臣戰鬪魏銅雀有時吹野火濁漳不斷走中原西風詞客

飄零過飛蓋還思清夜園雖是篡代而寵遇文士一事差為可傳此想手論人處

武康口號

黃葛蒙籠被水隈武康門向滌波開茶山竹市無城郭雙槩

輕搖過縣來風景如畫

沈氏南朝盛事齊殷勤七曲唱前溪至今流水聲中屋猶自

歌喉伴鳥啼

秣陵口號

新水秦淮一尺波笛聲吹處酒船過後庭玉樹今休唱南國

佳人北地歌 自是可憐

柳貫鱗魚白勝銀輕舸水壓過江津長干四月公然賣不道

園陵未薦新

漠漠平川玄武湖六朝人去鳥聲孤殘陽烟水都無禁點綴

漁舟入畫圖 三絕足紀一時之事

贈王玄照 時晤茗上以所臨松雪畫見贈

摩詰山莊流水分千螺青插一溪雲自言老至丹青癖怕喚

廉州王使君

家傳翰墨貴吳綾清遠若溪放筆能雪霽蓬牕臨小幅此中

呼出趙吳興 玄照乃舟州先生之曾孫曾任廉州太守偶客茗上僕曾次吳梅村祭酒韻作入絕贈之

然情緒蕭索則則推我鶴問奈

張恂 種恭陝西涇陽人西松館詩集

豫中雜興

行行洛陽道觸目心憂煩遠懷良足感望古停征軒憶余年

十四遊學駕南轅出關皆錯繡生齒方殷繁永夜分燈火猶

聞市井喧華車轂相擊肥馬交平原鷄豚不論值賤比野蔬

蕃居諸曾未幾所過盡頽垣蕭條畱茂草不識梁王園洛邑

尚如此州鄙復何言 詩篇古雅類曹子建王仲宣

淇門驛題壁

秋盡事還征停輟淇水澳黃蒿接亂流青青何處竹雖不聞

朝歌那堪見野哭誰散鹿臺錢使民無怨讟

寫出

淇上荒涼異常此詩一一

渡漳河

驅車破曉烟。過眼驚殘壘。迷離野渡寒。古懷秋色裡。不見銅雀臺。但見漳河水。

極似高常侍

玉田早發

萍踪無暖席。飄爾事晨征。僕馬疲前路。妻孥厭錯衡。春寒袖苦短。颯颯曉霜清。漸看風土異。戍壘空縱橫。辭京五昕夕。如經萬里程。落日榆烟白。蕭條古北平。

簡老精潔五古中最不易得

開原道中

空山少行旅。日夕翠巖荒。野花秋自發。平鋪雲錦光。雁鳧集在渚。麋鹿下崇岡。策馬動遐思。蕭條古戰場。臨風憶往代。運會生悲涼。百雉三城圯。勞勞漢與唐。晴沙莽無際。四顧烟茫茫。

茫

氣體是建安

茅屋

出門少所歡。鬱鬱何由釋。山鬼暮窺人。野鴨低向客。日掩小荆扉。棲遲甘掃跡。隔溪語行人。蚊善含沙射。

燒荒

大火燒空山。乘風勢愈振。晝若朱旗翻。夕若燭龍迅。豺狼遠遁。逃蟲蠕反。灰燼曠澤。不知深層巖。難恃峻。玉石愁俱焚。烟炎心所憤。雨餘如溪墨。一洗滋芳潤。

艾氣古質

題穆倩畫冊

宋元衣鉢久失傳。理趣何人更比肩。近來海內稱神品。處士高名豈偶然。自矜運腕兼風雅。惜墨如金知者寡。前乎處士

無故人後乎處士無來者慘澹經營不屑為閨中骨削真靈
 奇木石神明樓紙上孤高未許俗人師我于丹青得別解臨
 摹尚每宗黃海虞山夫子有長歌亦謂王蒙至今在世俗空
 誇點染工雖餘鱗爪非真龍天挺老筆開生面有意無意留
 鴻濛鴻濛寧獨繪事絕胸襟奧府人冰雪側聞材藝各精專
 筆補造化天工拙

穆倚詩畫書篆俱有奇情
古趣自非解人誰能相賞

米太僕廢園

海、游、誰、家、花、樹、枝、摧、殘、零、亂、秋、風、吹、至、今、人、說、米、太、僕、想、像
 當、年、全、盛、時、盛、時、文、物、照、赤、縣、各、以、林、泉、交、相、善、士、夫、尚、志
 競、清、娛、四、方、好、事、流、傳、徧、京、輦、之、西、烟、月、窩、名、園、寧、羨、雒、陽
 多、貴、戚、琪、花、臨、翠、管、五、侯、瑤、草、沸、鶯、歌、翠、管、鶯、歌、行、雲、止、雕

闌、繡、棋、連、天、起、珠、履、常、紛、錦、帳、中、香、車、雜、踏、紅、塵、裏、太、僕、為
 園、幽、韻、偏、羞、與、繁、華、鬪、粉、鉛、蕭、疎、自、得、閒、居、趣、曲、折、真、成、物

外、賢、閒、居、終、日、集、賓、客、物、外、曾、聞、點、蒼、碧、不、獨、蘭、亭、最、工、書

肯、讓、南、宮、專、拜、石、堂、中、惟、石、立、如、林、隔、幔、晃、鸞、共、曉、吟、書、畫

船、開、絲、竹、細、嵐、光、倒、影、菱、荷、深、豈、知、高、岸、一、為、谷、勝、地、華、林

同、溝、瀆、稻、花、空、倚、斷、甌、香、戎、馬、能、隨、剩、水、牧、雅、奏、銷、沉、畫、角

哀、西、山、爽、氣、為、誰、來、為、語、路、人、休、歎、息、長、楊、五、柞、已、蒿、萊

千言萬語只歸重在結束兩句雖說太僕廢園意不在太僕也解人自知之耳

古關歌

漢武防邊廣築城遠臨滄海掣修鯨魚眼射波風燈亂丹霞
 雉堞縱復橫岩堯山勢壯西北東南來與海輪平設險此中

通一線金銀為櫓玉為扁紫塞黃雲歸節制神州奧區倚藩
 屏函谷丸泥不足侈成臯天塹空高名制勝全控百二甲壯
 猷方屯十萬兵摩肩擊轂重行行威築城頭吹月明一吹茅
 店荒鷄鳴再吹杜鵑啼無聲三吹行人白髮生
後段拉雜
 揀繞如聞

塞

龍堆行

龍王堆上龍池古池內老龍藏風雨父老傳聞白馬浮疑為
 海眼深無數四面環山若女墻句驪遺址土花香千年古蹟
 誰人見總是今時麋鹿場
短章亦
 學子美

嶧山湖

嶧山湖北岸十月鬱蒼蒼草木隨平野村墟接大荒白鳧晴

自適花鴨暖分行宛在蒹葭色秦風興不忌

大家數

峒嵒

司吾何坦易亂後澹斜暉作飯孤烟直驚心茂草肥石田狐
 兔穩冰雪雁鳧饑極望天風急方知素願違
沈厚

香山寺

散步香山寺幽尋疊嶂中細泉爭石磴紅葉染花宮杖屐迎
 雲氣颺颺狎野翁長松堪倚眺一嘯頰高鴻
深鍊

洪光寺

曲徑諸天外凌空十八盤香飄沉梵唄殿古肅烟繚翠栢層
 層暗黃花漠漠寒天風吹曉髮落帽白雲端
妙
 蒼辣饒
 有警句

齊河道中

齊河道中

言觀初集 卷之六 中藏稿
漢代祝阿地蒼蒼灌木多幾年辭澤國無日罷彫戈陌上藏
舟出城邊倦鳥過桑麻民力拙空有勸耕歌

重過蒙陰縣

再至春云暮經過杏始花寒雲棲谷口落照倚山家野燒何
時盡荒除累更加誰憐民力竭雉兔忌桑麻

留心民
瘼之言

虹縣道中

極目虹州道蕭條入望平名猶存百里荒竟到孤城茂草仍
田賦飛鴻重力征那憐民牧苦術盡勸春耕

屯田一事久
成畫餅宜釋

恭蒿目
言之

夏日邊村

豈日非人境胡爲此一涯葭墻頻過虎草屋任藏蛇望古川

原異懷鄉道路賒青門如可去學種邵平瓜

一室真容膝煩囂漫待延烹泉惟苦葉種豆剩閒田蔓草豐

連屋蝨蠹雜蔽天友于聊慰藉兒亦解安禪

樸質而有風味

久不得家信

亦是人間世如何信息難塞垣將歲匝寒燠自相看白髮憎
多慮青春惱廢餐百齡王母在誰竟報平安

閱歷苦境乃
能作此苦語

閒居

漸次春光暮尋春不見春始知邊徼地原隔洛陽人亂草蒙

芳甸荒雲阻艷晨惟當自怡悅寂歷避車塵

古謂黃龍府今存百雉城他時鴻雁盡異代虎貔行遼水環

荒微開原識舊名夕陽叢灌裡猶傷戰場明

開原古黃龍府也
結句

令人黯然
全首亦辣

月下從樊河趨鐵嶺作時雨後新霽

塞月秋逾白溪毛雨過香寒蛩吟斷續老馬智微茫霧隱新

開境烟迷古戰場遙聞荒犬吠客意更悲涼

蒲陽偶興

水曲通荒磧蓬飛度古城乾坤秋氣肅海嶽北風鳴作賦哀

王粲無騷繼屈平唐宗遺戰蹟憑弔不勝情

晚過塔寺溝

隱谷惟叢灌無人只落暉應憐香火社化作野烟飛寺廢塔

仍在山空僧不歸蒼茫征戰地幾處着戎衣

九日

中藏稿

塞草荒雙眼秋風澹一隅天高鴻雁去地僻菊花無節序僧

愁思文章戀老儒窮途知有命不用醉茱萸

風

發發自天籟天晴山氣昏驚塵翻草屋竟日撼柴門野外蓬

科轉林梢陣馬奔飛揚雲不動猛士共誰論

一味粗率則恐貽有識之誚也
此詩須看其骨力有獨異人處

野燒次韻

太昊方司令祝融肆大蒐乘風延蔓草帶月燎春洲但覺空

山黑非防古塞秋烽烟遺未了野火至今流

釋恭出關諸作恨
不令孟津見之

即事

寺見初集

卷之六

六

慎墨堂篋

言觀初集 卷之六
幾載邊村望荒哉。習俗頻鳴鑼。傳野戍。擊鼓亭山。神獵犬猶
依社。饑鳥不畏人。晚來歸定處。沙磧月明新。
此等詩字字
雄健逼真空

雪後望山澗

一望蒼涼摧兩鬢。千山積素暗孤村。籬邊凍合鷄豚出野外。
寒驅虎豹蹲樵採。猶聞尋白谷詩思。無意度黃昏。袁安臥久
知誰問。雪擁徒勞到席門。

上巳前一日野集趙家臺

空林峻嶺鹿麋群。古戍於今靜不聞。豈爲先期修禊事。聊因
謀野眺歸雲。花無半點春將暮。酒及千巡日未曛。誰料昔年
征戰地。漫容觴詠客紛紛。
一結矯厲
而有意

河上閒眺

寒烟漠漠水粼粼。縱目蕭條欲捨神。澤雉無端驚獵騎。江鴻
漫自帶征塵。遙看冀北關山月。老憶城南韋杜春。擬織苳鞵
編箬笠。渭川他日學垂綸。
若氣排宕而
筆亦有光

陸子玄孝廉來訪

蓬蒿滿徑曉松吟。喜聽柴門有足音。放眼高天勞策蹇。行歌
僻地肯吹襟。茅齋草榻餘生拙。濁酒寒燈午夜深。信得幽棲
山木好。春遊莫厭數相尋。
氣象渾穆而
意味悠然

夢中得句

黃雲淨盡雨初收。萬里乾坤晝夜浮。遼左有山連鞞鞬。雒陽
何處騁驍驪。彫戈畫角青春晚。翠管銀箏落日愁。古往今來

雙俵望鴻飛南去水西流

王部詩何嘗不有聲彩只是氣之老識之尊耳此作殊有秋興

遺之

山神廟

空山野廟蓬蒿裡。自昔邊民報賽同。里社數椽紛父老。春光終日走兒童。鳴鑼伐鼓迎神曲。醴酒捺豚太古風。所祝牛羊無虎患。非關黍稷願年豐。

荒陋之俗寫來動人魂魄

城西送復恭壽恭兩弟

邊城細雨溼征衣。馬首西行木葉稀。蒼野高懸鴻雁影。秋原舊憶鶴鴒飛。親朋詫見從天下。弟妹驚看出塞歸。王母膝前團聚好。何年同爾永依依。

真氣裴裏

宿丁飛濤儀部書帶草堂

詞人精舍傍城西。日夕相尋路不迷。下馬登門聞犬吠。披帷對食已鷄棲。盈階草樹春星轉。滿架圖書蠟炬低。問爾孤山舊茅屋。何年清夢許招携。

寫來清雅却是謫居人語

張司馬蘧林諸太史震坤陸子玄孫鹿樵同集飲郝復

陽侍御齋中

娟娟嶺月逐春來。檻外微寒照客杯。老恨流離同作賦。愁銷觴詠倦登臺。人情未厭金張好。世事原輕屈宋才。賴有香醪開笑口。尊中白髮爾休催。

風情搖曳而寫感實深固非漫作

塞上

蒼茫亭障草連空。亂水荒原入望同。沙磧日昏鳩鶉雨。石田雲暗馬牛風。那看玉帳懸天際。尚有金墉在眼中。一自霜花

京冷後鵬飛無計避強弓。

雄關一線別乾坤。誓旅空經虎豹屯。鴨綠江邊寒月小。黃龍

府外晚雲昏。傳聞父老知多壘。想見群兒戲棘門。蜃氣樓臺

何處是。年年青海暗銷魂。
塞上詩以壯涼悲激為勝二作極有盛唐風槩

開原懷古

誰留敗堞倚斜曛。虎嘯荒林暮。急聞水遶猶懸遼。左月烟橫

尚落海西雲。殘磚斷瓦沉傳箭。古壘連岡象伏軍。為憶名城

全盛日。年年耕牧望中分。
有沈鬱之氣不
僅藻采繽紛

鐵嶺

昔亦稱雄鎮。曾傳集重兵。通侯開幕府。上將列屯營。甲第連

雲峻。名園背水清。戈鋌支半壁。帶礪寄專征。顧眺蒼茫會。登

臨感慨生。山川猶自衛。犢馬任同行。古戍寒宵火。飛鴻泣晚

秣。霧黃隨日氣。風起動秋聲。土壘遺堦盡。沙田敗鏃明。草中

餘卧石。飲羽不勝情。
健如
蒼隼

秋日訪友開原古刹

尚有當年寺。猶存古塞隅。川原環敗堞。黍稷蔓修衢。地僻人

烟少。城空梵唄孤。禪房虛點綴。殿閣久荒蕪。塔勢干雲影。鈴

聲間鳥呼。客來時繫馬。僧老自行厨。八月羞瓜果。諸天倒鉢

盂。腐儒貪境寂。寒雁起秋徂。野路花仍亂。園畦草不枯。布金

何代事。碑碣欲尋無。
語鍊而
氣緊

高粱橋

縱目高粱橋。烟波仍自媚。曾無金谷園。略見前朝寺。

盡

北平

古碑臨大道。人說飛將軍。不見射雕處。天橫萬古雲。

正合唐音

古塞上

平原漠漠水悠悠。戰氣橫空結蜃樓。自是西風吹不盡。浮雲無際傍營州。

銀州城外看花樓。指點殘花說故侯。誰使歸然柴水上。不隨波影向西流。

言外悠然

遠堡

龍王堆上雨初過。雨後歸雲晚更多。潭裡古龍留不得。好風吹度小渾河。

龍堆新霽

響微雲際

北帝行官古堞荒。粉榆高出老成行。無勞繡棋誇金碧。樹底

炊烟塞日黃。

古廟榆烟

極貼塞上

客鐵嶺苦雨

柴扉咫尺水潺湲。石燕乘風舞未還。鳴雨甫停簷外。瀟黑雲

又罩帽兒山。

似竹枝

張載緒

郿裔原名淮儒字水若陝西涇陽人

平山堂送樸園先生北上二首

郊關陳祖帳。薄暮起江風。舊德仍遮道。高名昔避驄。雲開青野濶。樹遠紫烟通。上苑春方好。監梅待我公。

詩有和淑之氣

又限山字

御杯駐馬立烟鬟。相送依依水一彎。雨浣江峯隨驛路。天懸魏闕列清班。調羹氣壯中朝色。博物胸藏二酉山。濁酒不堪

供淺酌春風到處慰離顏
愛其風韻

錢中諧 官聲江南吳縣人

歲饑感事

澤國奚堪邁大饑吳城一望半流離
連江菰菜沉沉黑近市
簫聲切切悲已見汗萊成駭浪
誰將枵腹轉豐肌吏民喜拜
蠲租詔只有農家釜未炊
一結寓情深篤

熊 俱 匪莪江西臨江人 有全稿見寄未到

過桐舫借鄧孝威王台園高治安夜集限韻

剪燭窻西拂素箋牙籤萬軸插芸編
桐張綠野晴光曙月映
黃流夜色妍啼鳥落花堪共侶
怡雲醉石讓誰先唱酬未忍
慳相擲期閨寒更作小年
名士風流具見篇幅宜家元昭兄每向予稱之

吳崇先 武武鶴山江南泰州人 世倫堂稿

邢關送別何青綸

曙色蕪城白看君擁騎行
風沙寒驛夢鴻鴈曉霜聲
酒對山

公席 時訪張吏部 詩齊水部名凌雲新作賦筆札滿西京

領聯大是

上流語

暮秋步甘露寺

隨意行來處林深又一天
潮鳴梵響雜徑轉佛燈連
樹為殘
秋落山從返照妍登臨思更遠
笑指逝波禪 筆墨淵靜

僧房坐雨

贏得芒鞋健尋幽逐勝來
逢僧忘坐久問偈倩詩催
塔滴桐
陰雨雲蒸地角雷
山前滋翠色點點上莓苔
茶村總持菴詩云每到拈

毫素人驚發興奇不知乾淨土出產老夫
詩僕每讀之失笑鶴山吟興將無同耶

承恩寺東邀鄭日且

孤燈明復滅客况欲如何古寺雖耽靜離鞍未厭過春融花
氣足鐘定月明多學得如鸞嘯將邀白雪歌

幽閒雅倩
如聞素琴

黃河卽事和李書雲內兄

行盡江南路因深去國情鄉音隨地改暮雨漲沙平荒岸知

是黃河真景

秋早輕霜帶雁聲故園憑夢轉紙帳與梅清

涉北路詩便有沙磧風霜

之氣此自情
隨境遷者也

秋山晚望

匹馬吟紅葉前山第幾峰高崖橫落照疎樹見行踪望遠臨
危石平馳下古松怡然豁心目野興賦從容

句句是望
中景故妙

和友人古鏡質酒詩

醉裏陶真性妍媸任爾爭祇因成我拙不欲見分明輪却菱
花影沾將竹葉清笑看帘下女拂拭照傾城

結句寫
出情思

進黃河口

至此舟方靜昏昏月下
行漫思神禹跡且喜濁波平水而風
帆勢烟中雪浪聲幸聞人語集荒草是何城

確切地勢固
非空中摹繪

言之

燕子磯夜泊

蒼磯盤寺路今古遇江流遠近迷松塢參差老菰洲濤聲浮
月出夜色帶帆收幾載烽燧後孤亭俯白鷗

調圓氣雋
不溢題分

秋夜聽琴

一座令人靜端然彈正聲指絃相應處心境自和平不在聆
音調還期悟太清碧天照秋水此夜更分明
琴詩以澹泊真靜為尚此篇一洗凡艷令人想成連海上時

採茶

雀舌天然似中冷韵欲隨負暄勤揀擇踐露費矜持葉嫩心
私惜叢深手細披盈筐香滿袂正在雨前時
細潤芬芳惜陸羽當年未

聞此語

渡寺即事

山左道上

古寺無全壁寒雲半補門徑荒行客少兵過幾家存板蕩舟
橫渡依稀鴉到村最怜燒榭拙僧老乏朝餐
寫荒殘景色如在目前是

雷心康濟者

觀瀑

源從何處至日日亂鳴山灑地疑珠浦衝苔老石斑冷飛高
蹴月寒射欲侵顏我亦懷秋者觀空天地間
起結妙甚

訪友留飲

不近高人榻誰窺河海心十年聞意氣一夕定知音清吹散
平野白雲橫遠峯鄉思常念切尊酒話更深
清吹橫秋煩襟為之虛滌

詩之能醫俗者

雪霽即事

冷絮無聲散碧虛平橋水凍竹編渠重封猿竇先藏栗低壓
梅枝漸覆廬山個負薪將質酒村童理釣欲供魚予因忘世
心常靜曝背南軒讀異書
極似松陵集中詩

贈友歸隱

悠悠斯世獨能醒，拂袖歸來鬢尚青。不向朝端趨鷺序，已甘天外作鴻冥。看花幾日居山寺，聽鳥終朝對野汀。興到詩成還命酒，白雲紅葉滿孤亭。

寄問鶴山是何友人能高，蹈若此何不著其姓氏。

舟中雜興

舵吟支枕覓題篇，為寫行途景物妍。小艇懸窗忘日去，疎楊挂月逐人圓。山城雁度千家杵，村落鷄聲五夜船。簫鼓中流渺何許，薊門遙在白雲邊。

鍊句 於秀

題宮紫陽年伯舊山讀書堂

東風吹柳綠湖濱，竹石參差野鶴鄰。新雨一簾催曉夢，故山萬卷對殘春。林邊遠見髯公杖，澤畔長垂尚父綸。眼看十年

鋒鏑盡科頭，抱膝是先民。

風調 秀邁

悼亡

自是江東老步兵，壚頭涕淚憶平生。欲呼萬里橋邊月，為訂三生石上盟。何處天風吹素影，滿前木葉作秋聲。床頭有月窺孤夢，吟就新詩哭乳鶯。

以安仁之筆傳奉倩之情風，韻翻聽想見珊珊來遲之候。

雪後月皎甚，自草堂策蹇詣梅花嶺。

題甚

子夜殘經芸閣聲，冰輪光映六花明。且封茅屋三間白，慢策山塘一蹇行。石滑生憎裘褐重，嶺高難辨影香清。是花是月還疑雪，誰遜三分孤潔名。

夜坐

無雲月在天，月圓明且淨。中亦有微渣，想是山河影。

昔人 玩月

意謂不如微雲點綴此乃特下註脚

夜步

步月散閒愁。偶見鄰家女。笑掠髮邊雲。閃入蘆簾去。

碧玉小家

女來嫁汝南王篇中蘆簾二字有斟酌

雁來黃

謂是黃花面曾無花在枝。看來雖是葉葉有花姿。

如此形容

可謂慧心靜眼

題文君當壚圖

綠綺知音帘下罇。如花麗色照當門。往來多少高軒客。不及

夫君犢鼻褌。

有如此識力所以遂奔相如不然臨邛亦已程鄭相望區區令客能使蛾眉訂白頭之約

耶此詩可謂寫出文君心事

于

澣

潁士原名大儀江南江都人山舍詩

進京口

久已踈吟詠。扁舟正獨行。好懷無意發。秋興忽然成。江鳥背人下。海雲當面生。不知途遠近。杳杳入空晴。

造語每入唐人勝境

遊牛首山

尋幽天闕上。返照石邊生。寺古千松合。山尊衆嶺平。隙光懸塔影。雲際走濤聲。細聽閒僧話。依依不忍行。

通首明潔

金山觀龍舟

佳節客中逢。江濤亂遠峰。笙歌連島嶼。兒女狎蛟龍。湍急鈴旗迅。風遲画槳慵。暮潮催競渡。隔岸已聞鐘。

確是金山龍舟字字警貼

遊靈谷寺夜雨

蕭寺白雲封登臨十里松深山餘野鳥夜雨失蒼龍人出寒
濤落僧歸白霧濃此行意未盡更欲到葑峰
茶噉之極
引人于深

舟泊東溝

江上西風勁東溝早泊舟斜橋通野市矮屋枕溪流安堵人
家好飄蓬客况愁漁燈與新月都到酒杯浮
江行晚泊風
景寫得歷落

如画絕類
王孟當年

九日尋望海樓故址

難負登高節荒城遠眺通連天鴻影闊傷寺菊花叢樓榭何
年廢荆榛異代同忍看狐鼠盛老樹颯秋風
一結道鬱
通首皆振

送費此度之秦郵

客况渾疑夢愁心懶問家半年從旅病一棹及桃花水國魚

蝦賤郵亭竹樹賒好尋淮海蹟長嘯是生涯

雅潔得詩
家正傳

立春日放舟寄顧與治

凍雨苦蕭條陽回早放船天光開遠樹春力○警○二微潮漸覺官
梅好難堪戰馬驕東風旗影外何地訪漁樵
極有法度而
意自矯出

陳念共復自單懷歸里次田授韻奉贈

筆意優柔最妙
河內又來歸荆榛滿夕暉未能還禁闥且復奉庭闈吟句銷
高枕開尊了閉扉太行山下路搖落似君稀
結句有無
窮歎惜

哭韓石畊

斯人胡遽沒江海一棺孤半世依人食殘生何地徂琴應稱
絕調詩已累窮途歎息蒼天忍真能殺腐儒
頑士于貧交
最篤氣誼如

石畊其一也讀此作
令我慘然不能終日

登凌雲臺望月

徘徊北固最高峰，明月淒清樹影重。野色蘆花千點雪，晚潮江寺一聲鐘。彭山佛火霞光亂，瓜渚漁燈水氣封。遙望海門天莫辨，波濤無際鬪蛟龍。

雨後步懽山

空江雨歇浪生紋，夜色泯泯翠影分。隔水漁燈驚宿鳥，當門夜月冷殘雲。高峰烟散疎鐘出，危閣風寒古木聞。歷遍南朝多勝地，無如此地越塵氛。

寄送陸吳州北上

六月樓樓遂遠征，潞河垂柳盼雙旌。黃金交態風雲重，紅粉扁舟驛路行。臨發竟虛樽酒話，壯遊莫信鼓鼙聲。倘逢知己

春明道為報狂奴已力耕

何大復七律，祇風度和雅，遂稱擅場如此。警拔直兼空同之勝。

廣陵雪後同半千無文豹人寺樓小集

一夜風寒凍寺門，朝來積雪徧山村。騎驢難覓梅花路，登閣聊持栢葉樽。湖海光添諸佛冷，亭臺勢壓暮雲昏。虛無野外炊烟起，寂寞橋邊老樹存。

謝無文送酒

落葉柴門下，君能送酒來。非關好明月，不敢命樽罍。

過廢寺

芳草依然發禪房，客到稀蕭蕭。漏秋雨滿地，長蚺蟻。

觀音閣

江邊佛閣倚崔巍，東去憑陵燕子磯。鐵鑊千尋苔不漬，夜來

言觀初集
風雨幻龍飛

春仲待諸駿男

頻年慣作岱陰遊。風雨金焦又放舟。擬共茱萸灣口話。落花
寒食正江樓。風神好情 致尤好

白門感舊

金陵往事總成塵。頭白龜年惹恨新。十四樓中誰更在。嗚珂
巷裏月如銀。

粉院紅墻貯阿嬌。夜深狎客暗相邀。而今楊柳空蕭索。留得
啼烏怨六朝。雜之劉賓客李義山集中不可復辨

穎士稿有新舊二種。壬子新秋始為郵寄。其已登詩志諸
選者此不再錄。詩篇始尚清婉。近益適拔。更上層樓。其進
末可也。

史逸孫 耳翁江南金壇人

遊齊山

策馬秦堤壯客容。客翠微秋色繫長松。亭高不盡山間月。洞僻
時聞寺裏鐘。乘興漫尋仙子跡。凌虛應識大夫峯。開尊此日
歸來晚。結伴懸崖覓舊蹤。實境虛景筆端善為形容

謝楸樹 震生江南泗州人 肩山堂集

江南過故勳第宅

漢祖曾封十八侯。悲來宋子獨當秋。東陵轆軻作老圃。華屋
零落歸山丘。燕子鷄鳴風颯颯。烏衣朱雀鳥啾啾。只今蒼狗
千年事。惟有長江日夜流。古情歷落而感 慨之意隱然

過準提菴衛處士集飲

避亂棲山恐不幽招提靜裡對春秋蒼松百尺高人榻翠壁
千尋佛母樓戰氣馬牛應未放客懷鷄黍自須留不知世事
兼身事但看閒雲嶺上浮鍊高

九日寶道堂偕友人賞菊

拙守東臯五載淹病餘再見菊花鮮微軀易老愁何濟令節
難逢秋可憐室有幽香佳客賞人多羸病異鄉牽題糕舊興
猶堪憶聊復開樽續少年健筆 凌空

過漂母祠

千年競道韓侯事此日猶存漂母祠剩有芳名昭漢史還瞻
古道肅遺碑從來惡少輕人傑多少王孫不療饑獨有憐才
並忘報蛾眉真俠勝鬚眉一番感慨一番贊 歎胸中其有今古

蔡爾趾子構江南山陽人

送倪天章王任公

好友言歸去凄然惜別離人從春水濶目送柳絲垂勞我連
床夢貽君遠道思何如檐外鳥猶戀故園枝妙有神韻

呂振之大律陝西臨潼人

暮抵平陽

昔人傳此帝王都勤儉唐風儼畫圖廟貌千秋臨舊國村墟
百里供新租役車夜艾聲猶急宿鳥巢安倦未蕪聞道淮陽
常臥閣不知曾揖衛青無質雅不佻

石璜夏宗江南如皋人

田父詞

詩見刀集 卷之六 慎墨堂

野館逢佳節，開樽倍苦辛。獨來龍戰處，試看馬蹄塵。薄醉過沙雨，孤吟老客身。秦淮燈舫月，偏不照離人。
沈雄古鬱如太阿照人

白門感興

傳說金陵勝，于今始一過。新亭名士少，白下舊烏多。淮水侵楊柳，臺城掛薜蘿。與來登眺極，洗眼認關河。
風調流美而中懷名激百

過倍覺情長

香社寺

香社稱名寺，停驂半日餘。逕幽松影合，風靜竹聲虛。白鳥飛春水，青莎隱故墟。昔賢題句在，吟罷獨踟蹰。
佳妙之句愛而不忍割見

作者身分

聽友人彈琴

長日幽齋靜，薰風簾外來。調高林樹響，聲徹石泉開。指上飛濤瀉，雲間獨鶴回。曲終人未散，落照滿蒼苔。
思路沈著却又響又穩是

得心應手之候

冬夜同杜輟畊龔文思陳挹蒼梁素冶宿永興山房分韻

古木支蕭寺，殘碑紀舊文。僧寮清似水，山徑亂於雲。交好心偏愜，情悲酒易醺。
亡荆寄觀在此 同人能慰我，轉覺放歌勤。
起能老結

深能

詠蠟梅

庭梅黃似酒，愛爾耐冬深。不與南枝競，真同高士心。暗風吹不落，寒月獨相侵。頗怪孤山老，當年未賞音。
此等題最忌雕飾如此落

落大雅自
成高調

虎丘

一增高標倚太空登臨四望野烟通生公臺畔石誰語短簿
祠前花自紅忽湧飛雲盤澗壑却看殘日冷梧桐月明簫管
年年勝多少繁華指顧中風秀絕倫是張
陸一流人物

金陵懷古

虎踞龍蟠古帝州長江依舊向東流六朝歌舞秦淮月百戰
興亡燕子秋宮闕齊梁迷故土亭臺王謝搃荒丘年年畫舫
遊人醉誰聽中宵杜宇愁艷冶悽迷如觀吳女如
道楚上一時不能為懷

過勞勞亭

一望斜陽起暮烟荒亭餘址草連天驪歌久已消官道斷碣

空存紀晉年入眼江花傷過客懷人春酒滿離筵音節有異依依尚有

長堤柳幾度臨風倍黯然太白二十字風流極矣此
首搖曳斌媚何減前人

陳聯捷三直隸大興人

僧舍早歸

衝寒尋野色不覺過前峰望裏山容淡行邊霜氣濃起處直闖高
岑之室餘亦離失

登清涼臺

登清涼臺

晴色招提好同登掃葉樓僧號掃
葉能詩開窓來竹翠倚樹見江流
斜日千林亂深烟萬井浮莫辭歸路晚新月正當頭清蔚
之色

全樂
烟嵐

余友茶村盛稱使君之慷慨英華而輟耕近過草堂以詩稿見示讀之高逸不群且言其倡會秦淮津振風雅真近今所罕邁哉令嗣翩翩足繼家學尤可羨也

陳誠 平薦江南江寧人 品山詩集

感懷

俯仰天地寬。余生何憂蹙。徒為轅下駒。不作霄飛鶴。浪跡等浮梗。途窮如集蓼。漫言富詩書。饑驅難卒讀。
筆端殊自簡肅

題陽羨徐渭文梅花塲画卷

岩堯鍾阜俯靈谷。龍盤旋複松杉簇。烟靄迷漫蒼翠深。古苔紋破啣花鹿。幽探勝引隈山澳。寒枝樹碎霏瓊玉。短橋雪意和雲封。數里未了香斷續。髫時曾記閒游踪。每向先春訪消息。于今不見幾星霜。春風吹夢還相識。溯懷往事夢耶非。披

圖、茫、茫、集、胸、臆、因、嘆、能、事、在、筆、墨、繪、水、有、聲、山、有、色、獨、此、一、片、冰、雪、容、暗、香、疎、影、誰、傳、得、快、哉、徐、子、心、腕、工、變、幻、有、無、迹、化、通、觀、百、羅、浮、看、欲、舞、臥、游、洵、勝、步、山、中、
倘恍迷離寫景俱臻微妙而段

落更為入法

遊天闕

幾載看山約于今。慰夙期燈留千劫。火錫掛一枝樓。寓目嵐變回身霄漢低。超超名象外。饒有出塵思。
字字是天闕所以為在

五月十三夜登燕子磯

燕子磯頭夜登臨。亦快哉山雲連水沒。画舫帶星來遺蹟。朝迥幽懷此際開。笙歌聲正沸。寧放手。中杯。
韻甚

清明踏青烏龍潭

韶光濃淡禁烟籠柳浪堤橋一徑通岸草綠鋪迎水碧山峯
○艶○而○刻○
晴照入花紅同人心醉尊前語隔院歌吹笛裏風盡日淹留
歸欲暝鳥聲纔靜月明東
是晚唐非宋詞以其用筆之高

送童西爽歸雲間

冰痕雪蕊促雙丸殘臘人歸鶴唳難極目九峯雲一抹期將
清夢訪袁安
秀遠

春夜讀書

梅花片片水流殘餘得詩思坐夜闌半榻風清鐘定後驚聞
窗外竹聲寒
清冷欲沁人骨

獨向帷燈坐花飄興不孤光凝寒蕊燦漏靜晚香殊沿席流
幽韻綠墻作書圖依稀元亮至策杖對芳株
自爾風韻
澄襟消永夕寒夢入思遙空有叢難入時逢烟自飄五更朱
○筆○花○初○艶○
燼落四壁墨花凋合飲龍山會喧闐愧此宵

爛熳朱燈下虛窓暗織紋未能邀雨露還許泛煙雲舒卷隨
時轉盈虛到曉分柴桑亦既往三徑孰親君
難此大雅一筆不着
深宵饒景趣瀟洒對金英欲使花全放還嫌燭半明無心資
日月何事較陰晴誰獻浮屠酒陶然樂此情
觀察于此題凡得詩四十

八章篇皆有韻字必爭妍于尤錄其渾雅之章爲東籬增艷

白沙遊廢寺

入門小犬吠病衲莫能迎殿閣爐無燼晨昏鐘不聲經堂蒼

鼠竄禪席野狐鳴漫滅殘碑字猶存勅建名

中藏稿
寫荒涼之景
特為刻至

儀真登道院高閣遠眺

楚利何年建臨江百尺亭千溪飛浪白萬竈泛煙青陰雨垂
龍爪剛風梳雁翎憑欄發浩嘆身世一浮萍

筆下有風
雨奔騰

出江遇大風雨

長江變白晝陰霧半空橫龍起雲垂幕鼉鳴浪蹴城安危歸
理數真妄憶生平孤舫洪濤內逍遙任運行

策警

詠天竺果次韻 三首

入臘風華羨爾奇衰顏轉覺歎支離實垂半亂朱櫻徑葉舞
全疑翠竹枝舍利千銖來佛國丹砂九轉化仙姿天桃得氣
空矜色誰觸霜威尚立墀

非不工麗而神骨秀異
較眾作有尹邢之別

草芳刊落獨標奇似友江梅寒未離三島會傳長艷木四時

不凋枝任名嫵媚多高節縱點胭脂無近姿造物有心

留頃果陰森氣候絢堦堦

萬木乘春各鬪奇誰能入臘果離離終疑天地垂溫肅却愛

雲霞護本枝曾過篁叢分勁節何須葵圃借丹姿時人莫當

閒花草凋盡名芳尚立墀

高雅處推
為老筆

秋日鄧孝威舍人寄詩見懷次韻奉答 二首

京洛當年稱勝遊香塵九陌盪閒愁幽人造戶楊常下詞客

臨樽轄數留幾載袂分燕市月一朝劍合秣陵秋相逢互訝

頭俱白交酒豪懷都未休

秦淮堤上續前遊對酒期忘今古愁君憶慈闈珂里去我懷

嚴命石城留客中鶯語會喧夏夢裏蛩音再報秋仕隱繇來
均○不○易○浩○然○興○感○未○能○休○
二詩神骨高健 視鄙作真塵土

題法黃石山水圖

自別黃公經幾春今從妙墨憶丰神乍驚飛瀑懸前落恍見
危峰几上陳澹霧疎烟傳令序風簾雨帽是何人慙慙空示
言○外○大○有○領○悟○
棲真路那個川巖可乞身
題山水却寓超然巖壑 之想自是君身有仙骨

人日南村雅集用僧持韻

六代風流續永和春郊共咏耦耕歌是非論到漁樵少美刺
傳來簪級多海燕漸聞商舊壘沙陽將見烟新波誰人詩就
池塘夢翹首詞壇羨李何
意篤詞諧 推為佳勝

踏燈竹枝詞 同社限韻

春光漸向柳條多遍散東風染碧莎農事方興祈歲穀滿城
齊唱插秧歌
切蒸

羣羨豪華空世賢翩翩裘馬耀間廛購燈常見傾千貫卻向
貧兒吝一錢
讀此應發 慈憫心

詠秋海棠 四首

驚見棠花照白頭幽芬時盪客心愁何期塵滿茅扉日分得
名園數瓣秋
渾渾說來 籠罩得妙

秋入花叢飛絳霜寒姿轉覺歷時長三春曾見垂絲艷零落
東風夢一場
不獨風艷而 寄託甚長

我愛秋棠鮮艷殊風流堪入美人圖西施若許同歸隱共上
扁舟泛五湖
是先生 此日語

香盡爐中臥冷灰○芳姿灼灼倚秋開○偶燒庭燭疑人影○舉步輕盈掌上來○
姿態橫生

萬鍾石君江南江寧人

燈前菊影

霜葩橫燭影不見吐奇芬○有艷虛懸質無香○暗結紋參差疑透月○凝固似棲雲○甘谷生風處花聲何所聞○
莫恨無知已開樽○興未蕭芳姿九月出奇態○五更消自擬花箋補○誰將翰墨描銀缸○休落燄對景酌通宵○
其狀物固為神似

王廷璧

崑良蒼嵐河南祥符人

晚宿淇門

野樹分殘照○蛩聲冷夜沙○收骨驚睡驚○駐馬落秋花○水響孤

村暗笳停片月斜○攀鞍猶帶夢天際見明霞○

筆雄思厚非陳于詩道者

不能

法若真

黃石山東膠州人

山亭

偶來買酒山亭醉○恰拂秋雲馬上輕○歌盡山河無限淚○霜催橘柚百年盟○當門鷺宿沙○初白隔嶺人歸○月半明江檻蕭條○
○語○特○媚○妙
眠不得御溝何處滿秋聲○
神骨俱秀語帶幽光

佟世南

梅岑奉天遼陽人

九月三十日過天界寺

秋光還一日呼友共尋秋○蕭寺全黃葉○山僧半白頭○松風孤磬度○花雨斷碑留○覽勝遲歸路○斜陽木末收○
○疎○老
江空月白狀其詩境

秋杪乘風過太湖

扁舟歸去似輕舫。破浪乘風震澤湖。點點蒼山前忽後。飛飛
 白鷺有還無。波橫萬頃天低樹。濤擁千層雪捲蘆。迅息布帆
 馳百里。日斜早報近姑蘇。
氣雄骨傲覺波濤在耳

新月

欲捲珠簾挂玉鈎。臨波緩緩逐魚遊。嬋娟何意憐詞客。先送
 蛾眉上翠樓。
姮娥亦復如是寫來情致動人

徐旭旦

浴咸西冷浙江錢塘人世經堂近稿

上元前一日同人泛湖看雪晚歸

一夜千山白。六橋人跡稀。湖平波蕩漾。鳥冷勢翻飛。素練凝
 空碧。寒光上翠微。錢塘燈火暗。緩醉莫言歸。
寫得悄然是雪後景

清明過塘棲

晴絲飛繞艷陽天。春到清明分外妍。柳色正邀遊子騎。桃花
 偏逐美人船。笑看賽社爭羅綺。醉約尋芳聽管絃。此日關情
 情不淺。東風處處散輕烟。
一往綺麗

桃源感賦

路入桃源水滿隄。荒涼村落野烟迷。雖多柳色留人眼。尚少
 桃花襯馬蹄。鵲面衰翁求食急。鳩形少婦抱兒啼。監門欲上

圖初繪可得春郊便舉犁

感觸之詞
正妙于直

紅花舖題壁

春風三月馬蹄輕宿雨初收晚更晴楊柳依人偏嬾嬾桃花
落地尚盈盈絲絃北地年來習酒味中原分外清一曲未終
旋欲去祇緣攬轡上神京

筆姿龍麗而出人
頭地處妙有勝情

春夜遊錫山鄒園

月明把臂入樓臺水色嵐光靜不迴第一溪山金谷對無邊
圖書輞川開香風拂面飛紅雨花氣留人坐碧苔良夜莫辭
重秉燭當年歌舞已蒿萊

詩極清麗結
處尤有力

平望湖舟中七夕

平湖如練泛仙槎無那今朝七夕過天上佳期靈匹合人間

難恨客心多半鈞新月飛鳥鵲兩岸明燈映綺羅最是金閨
神動香之態年少婦夜淡不忍看銀河

艷而能清極
情思之飛動

立秋虎丘卽事

七夕纔過又立秋繁華況是古蘇州梧桐未落秋先到菱芡
初肥暑漸收短簿祠前疎雨歇生公石上晚鐘流我今不作
悲哉賦爲愛新涼醉虎丘

清新華綺
兼有其勝

霞起亭曉望

秋晴圖畫自天開曉起山亭望幾迴宿雨初收華頂樹寒烟
深鎖海門臺紅樓花影參差出古寺鍾聲遠近來滿眼清光
看不盡更遲明月照啣杯

風韻不
減摩詰

東湖樵夫祠

流水高山思不禁。我來何處哭知音。止存浩氣還天地。已失浮名任古今。洗耳當年曾避世。沉湘此日有同心。獨憐俎豆千秋在。愧殺金川舊士林。

一往情深凜凜尚有生氣

中藏稿



